





字 131.34

8849

二18







說文解字第六

義證第十九

曲阜桂馥學

國也從口先王之制尊卑有大小從卩凡邑之屬皆

從邑

於汲切

釋名四井為邑邑猶悒也邑人聚會之稱也 史記鄭世家
封子產以六邑集解引服虔曰四井為邑 周本紀於是古
公營築城郭室屋而邑別居之徐廣音義分別而為邑落也
五帝紀舜一年而所居成聚二年成邑 呂氏春秋貴因
篇舜一徙成邑再徙成都三徙成國注云周禮四井為邑邑
方二里也四縣為都都方二十二里也邑有封都有成然則
邑小都大傳曰都城過百雉國
之害也成國成于乘之國也

國也者廣雅同御覽引作縣也從口弓風俗通周禮百里
曰同所以獎王室協風俗總名縣縣玄也言當玄靜平徭
役黃恭十四州記縣者弦也言施繩用法狀如弦弦聲近
縣故以取名釋地邑外謂之郊郭注邑國都也桓十一年

左傳且日虞四邑之至也杜云邑亦國也正義云書云欲宅洛邑傳每云敝邑是也錢君大昭曰夏商天子所居名邑商頌殷武云商邑翼翼四方之極毛傳商邑京師也逸書言西邑夏大邑周多士言天邑商是也是以白虎通云夏曰夏邑殷曰商邑周曰京師尚書曰率割夏邑謂桀也在商邑謂殷也文王演易據夏商之禮故於无妄六三云邑人之災亦以天子所居為邑也諸侯亦稱邑春秋傳云敝邑是也馥案書多士今朕作大邑于茲洛從口者口音圍先王之制尊卑有大小從下者坊記制國不過千乘都城不過百雉左傳都城過百雉國之害也大都不過參國之一中五之一小九之一今京不度非制也孟子三里之城七里之郭

邑

國也從邑半聲

博江切

詩節南山以畜萬邦論語邦君為兩君之好又云夫子至於是邦也

國也者魏志辰韓名國為邦漢高帝諱邦邦之字為國周禮大宰掌邦之六典以佐王治邦國注云大曰邦小曰國釋名大曰邦邦封也封有功於是也書康誥序以殷餘民邦康叔傳云國康叔為衛侯

田 古文

本書古文封從田從土此從田從土同意 徐鍇曰古謂封諸侯為邦故尚書曰乃命諸王邦之蔡

郡

周制天子地方千里分為百縣縣有四郡故春秋傳

曰上大夫受郡是也至秦初置三十六郡以監其縣

從邑君聲

渠運切

黃恭十四州記改公侯之封而言郡者君至尊也言郡守專權君臣之禮更崇也今之郡字君在其左邑在其右君為元首邑以載民故取名於君而謂之郡也

周制云云者水經注引云郡制天子地方千里分為百縣縣有四郡故春秋傳曰上大夫縣下大夫郡哀二年左傳

晉趙鞅與鄭戰誓眾曰克敵者上大夫受縣下大夫受郡士田十萬注云周書作畿篇千里百縣縣有四郡周書郊

田方六百里因四方為千里分以百縣縣有四郡呂氏春秋季夏紀是月也令四監大夫合百縣之秩芻以養犧牲

注云周制天子畿內方千里分爲百縣縣有四郡郡有鄙故春秋傳曰上大夫受縣下大夫受郡風俗通周制天子方千里分爲百縣縣有四郡故左氏傳曰上大夫受縣下大夫受郡至秦初置三十六郡以監其縣者水經注引作以監縣矣類篇引作以監縣邑徐鍇本作至秦初并天下釋名至秦改諸侯置郡縣郡羣也人所羣聚也風俗通至秦始皇初置三十六郡以監縣高注呂氏春秋周時縣大郡小至秦始皇兼天下初置三十六郡以監縣百呂祖謙曰春秋之時郡屬於縣趙簡子誓衆所謂上大夫受縣下大夫受郡是也戰國之時縣屬於郡秦紀惠文十年魏納上郡十五縣是也方孝公商鞅時并小鄉爲大縣縣一令尚未有郡牧守稱及魏納上郡之後十餘年秦紀始書置漢中郡或者山東諸侯先變古制而秦效之歟三輔黃圖始皇銷鋒鏑以爲金人銘其後曰皇帝二十六年初兼天下改諸侯爲郡縣魏志傳故常以爲秦始罷侯置守設官分職不與古同漢舊儀古者諸侯治民周以上千八百諸侯其長伯爲君次仲叔季爲卿大夫支屬爲士庶子皆世官位至秦始皇帝滅諸侯爲郡縣不世官守相令長以他姓相代去世卿大夫士古文苑郡太守箴有羸驅除焚典紀舊蕩滅蕃畿罷侯置守注云秦廢封建之法分天下

爲三十六郡郡各置守隋書地理志秦始皇懲周氏之微弱恃狙詐以爲疆蔑棄經典罷侯置守袁子秦以列國之勢而并天下自以由諸侯而起之也於是去五等之爵而改郡縣史記秦始皇本紀天下共苦戰鬪不休以有侯王賴宗廟天下初定又復立國是樹兵也而求其寧息豈不難哉廷尉議是分天下以爲三十六郡集解三十六郡者三川河東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右北平遼西遼東代郡鉅鹿邯鄲上黨太原雲中九原雁門上郡隴西北地漢中巴郡蜀郡黔中長沙凡三十五與內史爲三十六郡晉書地理志始皇初并天下懲志戰國削罷列侯分天下爲三十六郡於是興師逾江平取百越又置閩中南海桂林象郡凡四十郡郡一守焉漢官儀秦用李斯議分天下爲三十六郡凡郡或以列國陳魯齊吳是也或以舊邑長沙丹陽是也或以山太山山陽是也或以川源西河河東是也或以所出金城城下有金酒泉泉味如酒豫章章樹生庭中鴈門鴈之所育是也或以號令禹合諸侯大計東冶之山會稽是也京兆絕高曰京京大也十億曰兆欲帝都殷盈也左輔右弼蕃翊承風也張掖始開垂張臂掖也顧炎武曰秦分天下爲三十六郡其中西河上郡則因魏之故雲中鴈

門代郡則趙武靈王所置上谷漁陽右北平遼西遼東郡
 則燕所置史記不志地理而見之於匈奴之傳孟堅志皆
 謂之秦置者以漢之所承者秦不言魏趙燕爾潛邱割記
 郡縣始自秦其可考者秦內史則治咸陽縣三川郡治雒
 陽縣潁川郡治陽翟縣南陽郡治宛縣邯鄲郡治邯鄲縣
 鉅鹿郡治鉅鹿縣上黨郡治長子縣太原郡治晉陽縣雲
 中郡治遠服縣九原郡治九原縣河東郡治安邑縣東郡
 治濮陽縣碭郡治碭縣上郡治膚施縣上谷郡治沮陽縣
 漁陽郡治漁陽縣代郡治廣昌縣右北平郡治無終縣遼
 西郡治陽樂縣遼東郡治襄平縣南郡治江陵縣漢中郡
 治南鄭縣黔中郡治沅陵縣長沙郡治青陽縣薛郡治魯
 縣泗水郡治沛縣九江郡治壽春縣鄆郡治鄆縣會稽郡
 治吳縣齊郡治臨淄縣琅邪郡治琅邪縣已郡治江州縣
 蜀郡治成都縣閬中郡治沔浦縣南海郡治番禺縣象郡
 治象林縣不可考者鴈門
 隴西北地桂林郡治耳

邑

有先君之舊宗廟曰都從邑者聲周禮甸國五百里

為都當孤切

有先君之舊宗廟曰都者字林有宗廟先君之主曰都閔
 元年左傳分之都城服注邑有先君之主曰都莊二十八
 年傳凡邑有宗廟先君之主曰都無曰邑杜云周禮四縣
 為都四井為邑然宗廟所枉則雖邑曰都尊之也傳又云
 曲沃君之宗也注云曲沃桓叔所封先君宗廟所在僖十
 年傳狐突適下國服虔曰曲沃有宗祧之事於武城傅遜曰楚武
 故曰下國昭四年傳屬有宗祧之事於武城傅遜曰楚武
 城有先君之廟故曰獵以祭呂氏春秋仲秋紀建都邑注
 云國有先君宗廟曰都無曰邑南都賦夫南陽者真所謂
 漢之舊都也奉先帝而追孝立唐祀於堯山魏韓顯宗上
 言昔周居洛邑猶存宗周漢遷東都京兆置尹察春秋之
 義有宗廟曰都無曰邑况代京宗廟山陵所託王業所基
 今便同之郡國臣竊不安周禮甸國五百里為都者經
 無此文當為周制鄭注冢宰云四郊去國百里曰都五百
 里又注縣土云距王城四百里以外至五百里曰都司馬
 法王國百里為郊二百里為州三百里為野四百里為縣
 五百里為都

邑

五家為鄰從邑聲力珍切

五家為鄰者周禮遂人文鄭司農云田野之居其比伍之名與國中異制故五家為鄰釋名五家為伍以五為名也又謂之鄰鄰連也相接連也論語以與爾鄰里鄉黨乎鄭注五家為鄰五鄰為里

鄧

百家為鄧鄧聚也從邑贊聲南陽有鄧縣

作管切又作旦切

百家為鄧者周禮遂人五家為鄰五鄰為里四里為鄧徐錯曰五家為鄰五鄰為里二十五家也四里為鄧百家也南陽有鄧縣者漢書地理志南陽郡鄧縣侯國顏注即蕭何所封史記高祖功臣侯年表蕭何封鄧索隱鄧音贊何功最盛封為鄧侯文穎曰音贊臣瓚曰今南陽鄧縣也孫檢曰有二縣音字多亂其屬沛郡者音嗟屬南陽者音讚按茂陵書蕭何國在南陽宜呼讚今多呼嗟嗟舊字作鄧今皆作鄧所由亂也漢書蕭何傳上以何功最盛先封為鄧侯顏注鄧屬南陽傳又云高后乃封何夫人同為鄧侯小子延為筑陽侯顏注鄧及筑陽皆南陽縣也今其地並屬襄州高帝紀相國鄧侯下諸侯王臣瓚曰茂陵書何封國在南陽鄧音贊顏注瓚說是也而或云何封沛郡鄧縣音才何反非也案地理志南陽鄧縣云侯國沛鄧縣不

云侯國也又南陽鄧者本是春秋時陰國所謂遷陰于下陰者也今為襄州陰城縣有鄧城城西見有蕭何廟彼土又有筑水筑水之陽古曰筑陽縣與鄧側近連接據何本傳何薨之後子祿無嗣高后封何夫人同為鄧侯小子延為筑陽侯孝文罷同更封延為鄧侯是知何封鄧國兼得筑陽此明驗也但鄧字別有鄧音是以沛之鄧縣史記漢書皆作鄧字明其音同也班固泗水亭碑以蕭何相國所封與何同韻於義無爽然其封邑實在南陽非沛縣也且地理志云王莽改沛鄧曰贊治然則沛鄧亦有贊音鄧鄧相亂無所取信也說者又引江統徂淮賦以為證此乃統之疏謬不可考覈亦猶潘岳西征以陝之曲沃為成師所居巨斯例甚多不可具載古文苑班固十八侯銘文昌四友漢有蕭何序功第一受封于鄧注云鄧屬南陽郡音贊沛郡又有鄧縣才何反水經沔水又東南過鄧縣之西南酈注縣治故城南臨沔水謂之鄧頭漢高帝五年封蕭何為侯國也薛瓚曰今南鄉鄧頭是也茂陵書曰在南陽王莽更名南庚者也圖經穀城縣有鄧城漢志即蕭何所封也通典襄陽郡穀城縣下云有漢故鄧城在縣東北漢之鄧縣也蕭何所封說文云鄧音贊縣在南陽鄧左何反縣在沛郡按班固泗水亭高祖碑云文昌四友漢有蕭何序

功第一受封於鄗又江統徂淮賦云戾鄗城而倚軒實蕭
公之故國謂何封沛郡之鄗明矣近代戴規辯字與姚蔡
訓纂傷將眾說俱因此論規即斷云何封沛之鄗夫人封
南陽之鄗臣瓚及文穎等注皆據茂陵書蕭何所封在南
陽按茂陵書在武帝崩日去何不遠指事為親且地理志
以鄗為侯國鄗則不言又何本傳子祿歟無子高后封何
夫人同為鄗侯小子延為築陽侯孝文元年罷同更封延
為鄗侯尋築陽距鄗三十餘里若唯夫人封鄗則小子延
獨繼其母予謂不然也鮑至南雍州記云城內見有蕭相
國廟相傳謂為城隍神遠而推之茂陵書亦可依矣王觀
國曰蕭何所封乃南陽之鄗也與沛郡鄗縣各有區別苟
不考究則相亂矣後漢書郡國志沛國有鄗縣劉昭注曰
曹騰封費亭是也觀國按費亭乃春秋所謂費滑蓋滑國
都於費在河南緱氏縣亦當屬南陽之鄗縣非沛國之鄗
也以鄗字相亂故劉昭誤注爾馥案王說是也後漢宦者
傳曹騰以定策功封為費亭侯春秋莊十六年會滑伯滕
子同盟于幽杜注滑國都於費今緱氏縣又左傳殄滅我
費滑杜注滑國都於費今緱氏縣然則費亭屬南陽不屬
沛也史記三王世家續封蕭文終之後於鄗索隱蕭何初
封沛之鄗音贊後其子續封南陽之鄗音嗟馥謂此說互


誤漢書蕭何傳封小子延為鄗侯封曾孫慶為鄗侯封元
孫建世為鄗侯封元孫之子喜為鄗侯皆仍舊封不云改
封他郡菽園雜記謂何初封與子孫續封是兩縣誤與小
司馬同程良孺讀書考定因泗水亭碑鄗與何為韻遂謂
何受封於沛之鄗縣不知鄗鄗古讀同音班碑本是鄗字
正以音同耳詩桑扈三章翰憲與那為韻非其證歟劉肅
唐世說因張良封畱遂定為蕭何封沛亦屬武斷惟通雅
不感於衆說其言曰鄗當時在南陽今在襄陽之光化者
蕭何封邑也漢志鄗為侯國不言鄗侯國非明驗乎楊
升菴焦弱侯定以鄗為何封邑而云師古無據者謬也



五鄗為鄗從邑啻聲

兵美切

五鄗為鄗者周禮遂人文一切經音義二十五引同又云
鄗野也蒼頡篇國之下邑曰野漢書質而不里如淳曰雖
質猶不如閭里之鄙言也桓十一年公羊傳而野畱何注
野鄙也呂氏春秋行論篇是以宋為野鄙也周禮宰夫掌
治灋以攷百官府羣都縣鄙之治注云五百家為
鄙呂氏春秋孟夏紀循行縣鄙注云鄙五百家也



啻國百里為郊從邑交聲

古肴切

距國百里為郊者司馬法王國百里為郊二百里為州三百里為野周禮肆師與祝侯禳于疆及郊鄭注遠郊百里近郊五十里又注聘禮周制天子畿內千里遠郊百里以此差之遠郊上公五十里侯伯三十里子男十里也近郊各半之



屬國舍從邑氏聲 都禮切

屬國舍者後漢書安帝紀注引同一切經音義七引同又引蒼頡篇邸舍也六書故邦國之人有舍於王國曰邸史記范雎傳徹衣閒步之邸正義云劉云邸諸國客館漢書文帝紀至邸而議之顏注郡國朝宿之舍在京師者率名邸邸至也言所歸至也盧縮傳舍燕邸顏注諸侯王及諸郡朝宿之館在京師者謂之邸後漢書和熹鄧皇后紀並為開邸第晉有司奏王公國家制京城不宜有田宅未暇作諸國邸當使有往來之處今限京師得有宅一所陸機洛陽記百郡邸在洛城中東城下步廣里中後魏置諸國使邸齊使第一高麗次之通鑑唐朝集使京師無邸率僦屋與商賈雜居太宗始命有司為之作邸



郭也從邑孚聲 甫無切

郭也者當為辜通作郭風俗通郭謂之郭郭者亦大也周書周公作大邑成周於土中立城方千六百一十丈郭方七十二里春秋文十五年齊侯侵我西鄙遂伐曹入其郭杜云郭郭也公羊傳云郭者何恢郭也何云恢大也郭城外大郭襄十九年城西郭杜云魯西郭哀四年城西郭范甯云郭郭也隱五年左傳伐宋入其郭僖十二年傳諸侯城衛楚邱之郭襄十五年傳於是乎城成郭宣八年傳攻廩邱之郭杜注並云郭郭也吳語入其郭又云以焚其北郭焉韋注並云郭郭也



境上行書舍從邑坐坐邊也 羽求切

境上行書舍者後漢書楊震傳注引同又郭太傳注引作境上傳書舍也本書無境字當為竟廣雅郵驛也廣韻郵境上舍增韻郵境上行書舍一云馬傳曰置步傳曰郵四書辨疑云郵字江南廣韻中原韻畧皆訓境上行書舍孟子速於置郵韻毛晃韻畧南北玉篇皆訓境上行書舍孟子速於置郵而傳命注云疾於置郵傳書命也漢舊儀五里一郵郵間

相去二里半陸賈新語君子為治郵無夜行之卒漢書武
五子傳且置驛書往來相報淮南厲王傳有司請處蜀嚴
道邛郵師古曰郵行書之舍五行志河南街郵顏注郵謂
行書之舍也京房傳因郵上封事顏注郵行書者也若今
傳送文書矣薛宣傳橋梁郵亭不修顏注郵行書之舍亦
如今之驛及行道館舍也黃霸傳使郵亭鄉官皆畜雞豚
顏注郵亭書舍謂傳送文書所止處亦如
今之驛館矣 坐邊也者本書坐遠邊也

郵

國甸大夫稍稍所食邑從邑肖聲周禮曰任郟地在

天子三百里之內所教

國甸大夫稍稍所食邑者郟稍稍聲相近通作稍聘禮惟稍
受之注云稍廩會也周禮廩人賜稍會注云稍會祿廩
周禮曰任郟地者地官載師文彼云以家邑之田任稍
地疏云名三百里地為稍者以太夫地少稍稍給之故云
稍又通作削天官大宰家削之賦注云二百里家削疏云
家削之賦者謂二百里之內地名削其中有大夫采地謂
之家故名家削 在天子三百里之內者鄭注
周禮地官敘官稍人云距王城三百里曰稍

鄯

鄯善西胡國也從邑從謹謹亦聲時戰切

鄯善西胡國也者一切經音義一鄯善漢書本名樓蘭因
傅介子斬其王復更名鄯善在烏耆國南陽關外也玉篇
鄯善西域國漢書云本名樓蘭城去長安六千一百里元
鳳四年傅介子誅其王更名其國為鄯善晉孔安起居注
太康四年有司奏鄯善國遣子元英入侍晉書張駿傳使
其將楊宣率眾越流沙伐龜茲鄯善魏書西域傳鄯善國
都并泥城古樓蘭國也隋書裴矩傳伊吾高昌鄯善並西
域之門戶也十道志鄯州古西域之地禹貢雒州之域元
和郡縣志鄯州古西域地漢置金城郡後漢分置西平郡
後魏以西平郡為鄯善鎮孝昌二年改鎮立鄯州馥案隋
於古樓蘭城置鄯善郡唐為納
縛波地 謹亦聲者當為謹聲

窮

夏后時諸侯夷羿國也從邑窮省聲渠弓切

夏后時諸侯夷羿國也者本書羿下云古諸侯也一曰射
師彗下云帝嚳射官夏少康滅之論語曰彗善射通作窮
書五子之歌有窮后羿傳云有窮國名羿諸侯名襄四年
左傳有窮后羿玉篇引作窮論語羿善射孔曰羿有窮國

之君襄五年左傳昔有夏之方衰也后羿自鋤遷于窮石
因夏民以代夏政楚詞離騷夕歸次于窮石今天問帝降
夷羿革孽夏民帝王世紀帝羿有窮氏未聞其姓何先帝
嚳以上世掌射正至嚳賜以彤弓素矢封之於鋤為帝司
射歷虞夏羿學射於吉甫其臂長故以善射聞及夏之衰
自鋤遷於窮石因夏民以伐夏篡晉太康地記河南有窮
谷蓋本有窮氏所遷也水經注平原
郡鬲縣有鬲津河故有窮后國也

鄆

周封黃帝之後於鄆也從邑契聲讀若鄆上谷有鄆

縣古詣切

周封黃帝之後於鄆也者玉篇周武王封黃帝後於鄆今
姓鄆韓詩外傳武王封黃帝之後於鄆樂記武王克殷未
及下車而封黃帝之後於鄆注云今涿郡鄆縣釋文鄆卽
燕國都後漢書光武紀以王郎新盛乃北徇鄆注云鄆縣
名屬涿郡今幽州縣也本字從契從邑見說文馥案史記
周本紀言封帝堯之後於鄆誤也 上谷有鄆縣者漢志
廣陽國有鄆縣續志廣陽郡高帝置為燕國昭帝更名為
郡世祖省并上谷丁君杰曰按禮記樂記史記樂書並云

周封黃帝之後於鄆鄆卽鄆也但地理志鄆縣屬廣陽國
郡國志屬廣陽郡而上谷郡無鄆縣說文云上谷有鄆縣
蓋廣陽國高帝置為燕國昭帝元鳳元年為廣陽郡宣帝
本始元年更為國世祖省并上谷明帝永元八年復許氏
據世祖時省并言
之故屬之上谷也

鄆

炎帝之後姜姓所封周棄外家國從邑台聲右扶風

釐縣是也詩曰卽有郇家室 土來切

炎帝之後姜姓所封周棄外家國者史記正義引作炎帝
之後姜姓所封國弃外家也本書嫫台國之女周棄母字
也玉篇郇姜嫫邑帝嚳元妃郇氏女也世本帝嚳元妃有
郇氏之女曰姜嫫詩公劉箋云郇后稷上公之封生民時
維姜嫫傳云姜姓也后稷之母配高辛氏帝焉箋云姜姓
者炎帝之後有女名嫫當堯之時為高辛氏之世妃列女
傳棄母姜嫫者郇侯之女也堯使棄居稷官更國郇地遂
封棄於郇號曰后稷 右扶風釐縣是也者帝王世紀后
稷始封郇今扶風釐是也史記周本紀后稷名弃其母
有郇氏女正義曰天來反亦作釐索隱曰卽釐古今字異

百劉敬傳周之先自后稷堯封之郃正義雒州武功縣西
南二十三里故釐城是也漢書地理志昔后稷封釐顏注
釐讀曰郃今武功故城是也志又云右扶風釐縣周后稷
所封顏注釐讀與郃同音胎樊噲傳從攻雒釐城顏注釐
讀與郃同縣名即后稷所封今武功故城是音胎郊祀志
后稷封於釐顏注釐讀與郃同今武功故城是續漢書郡
國志又扶風郃有郃亭注云史記曰封棄於郃徐廣曰今
釐鄉董卓傳封釐鄉侯注云釐縣故城在今雒州武功縣
字或作郃音台水經注渭水云又東逕釐縣故城南舊郃
城也后稷之封邑矣元和郡縣志秦孝公作四十一縣釐
其一釐與郃音同又云武功縣漢舊縣古有郃國堯封后
稷之地周平王東遷以賜秦襄公孝公作四十一縣釐美
陽武功各其一也釐與郃音同字異寰宇記武功縣釐城
一名武功城在周為郃國后稷所封之邑漢為釐縣在今
縣西南二十二里馥案郃或作駘釐又作釐昭九年左傳
魏駘芮岐畢杜預去駘今始平武功縣所治釐城是也
詩曰即有郃家室者大雅生民文傳云郃姜嫄之國也堯
見天因郃而生后稷故國后稷於郃馥案徐錯本不引詩
錯繫傳引之

周文王所封在右扶風美陽中水鄉從邑支磬

巨支切

周文王所封者易是類謀出岐郃東撫州也注云岐郃邑
名鄭注康誥岐鎬之域處五岳之外詩闕宮居岐之陽箋
云太王自豳徙居岐陽漢書郊祀志太王建國於郊梁顏
注郊古岐字書西伯戲黎鄭注西伯周文王也時國於岐
新序周之先自后稷堯封之郃積德累善十餘世公劉避
桀居郃太王以狄伐去郃杖馬策居岐國人爭歸之詩豳
風譜至商之末世太王又避戎狄之難而入處於岐陽馥
案鄭意謂自郃出徙於豳入處於岐陽在右扶風美陽
中水鄉者詩譜周召者禹貢雒州岐山之陽地名今屬右
扶風美陽縣地形險阻而原田肥美周之先公曰太王者
避狄難自豳始遷焉詩周南釋文云周者代名其地在禹
貢雒州之域岐山之陽於漢屬扶風美陽縣史記周本紀
止於岐下徐廣音義岐在扶風美陽西北漢書地理志右
扶風美陽縣禹貢岐山在西北中水鄉周太王所邑志又
云賜受郊鄠之地顏注郊亦岐字志又云太王徙郊顏注
今岐山縣是郊祀志美陽得鼎獻之張敞上議曰今鼎出
於郊東括地志周城一名美陽城在雒州武功縣西北二
十五里即太王城也續漢志美陽縣有周城在縣西北南

有周原通典美陽故城在京兆府武功縣北七里元和郡縣志鳳翔府扶風縣本漢美陽地

岐

郊或從山支聲因岐山以名之也

五經文字俗以此岐為山名別作岐路字書無此岐字
顏氏家訓岐山當晉為奇江南皆呼為神祇之祇後漢書
趙岐字邠鄉京兆長陵人也初名嘉字臺卿後避難故自改
名字示不忌本土也易王用享於岐山陸希聲曰太王在
岐直曰岐山鄭注禹貢岐山在右扶風美陽西北詩天
作高山箋云高山謂岐山也縣箋周之原地在岐山之南
徐廣曰岐山其南有周原鄭注鄉射禮云昔太王王季文
王始居岐山之陽躬行以成王業昭四年左傳成有岐陽
之蒐杜云岐山在扶風美陽縣西北郭注中山經岐山今
在扶風美陽縣西竹書武乙元年邠遷于岐周三年命周
公亶父賜以岐文丁十二年有鳳集于岐山孟子昔者太
王居邠狄人侵之去邠踰梁山邑于岐山之下居焉尚書
大傳太王亶甫遂策杖而去過梁山邑岐山注云岐山在梁
山西南馥案括地志梁山在雒州好時縣西北十八里呂
氏春秋審為篇遂成國於岐山之下注云岐山在右扶風美
陽之北其下有周地周家因之以為天下號也淮南地形

訓何謂九山會稽泰山王屋首山太華岐山太行羊腸孟門

高注岐山今扶風美陽縣北水經禹貢山水澤地岐山在

扶風美陽縣西北括地志岐山在岐州岐山縣東北十里

續漢書郡國志右扶風美陽有岐山張衡傳即岐阻而

據情注云岐吐山足也周文王所居也晉書地理志扶風

郡美陽縣岐山在西北周太王所邑帝王世紀太王避狄

循漆水踰梁山徙邑於岐山之陽西北岐城舊趾是也通

典岐山縣漢雒縣地有岐山周文王徙於岐即此縣也通

鑑漢章帝幸槐里岐山注云岐山在扶風美陽縣潛邱劄

記岐山在岐山縣東北十里一名天柱山其峯高峻狀若柱

然六典關內道名山曰岐山俗名鳳皇堆山是也

南周原在焉即太王所居詩周原膺膺是也

郊或從山支聲者支聲二字衍因岐山以名之也者薛

綜注西京賦引作岐山在長安西美陽縣界山有兩岐因

以名焉五臣注文選引同顏注郊祀

枝

古文郊從枝從山

通作枝莊子枝指釋文


崔云音岐謂指有岐也



周太王國在右扶風美陽從邑分磬

補市切

周太王國在右扶風美陽者玉篇邠周太王國在右扶風邠邑郭注方言邠今在始平漆縣孟子昔者太王居邠竹書祖乙十五年命邠侯高圉盤庚十九年命邠侯亞圉祖甲十三年命邠侯組紺武乙元年邠遷於岐周漢官解詁諒邠黑水胡廣注經曰黑水西河惟邠州居邠國國在右扶風栒邑



美陽亭即豳也民俗以夜市有豳山從豳豳

史記索隱豳即邠也古今字異耳唐書地理志邠州故豳開元十三年以字類豳改元和志開元十三年以豳與豳字相涉詔曰魚魯變文荆并誤聽欲求辨惑必也正名改為邠字詩公劉傳云公劉居於邠而遭夏人亂迫逐公劉公劉乃辟中國之難遂平西戎而遷其民邠於豳焉襄二十九年左傳為之歌豳杜云豳周之舊國在新平漆縣東北正義云豳者禹貢邠州岐山之北原隰之野其地西近戎北近狄豳是彼土之地名於漢則扶風郡栒邑縣是其地也詩譜豳者后之曾孫曰公劉者自邠而出所徙戎狄之地名今屬右扶風栒邑公劉以夏后太康時失其官守竄於此地猶脩后稷之業勤恤愛民民咸歸之而國成焉漢書地理志右扶風栒邑縣有豳鄉詩豳國公劉所都北征賦息邠邠之邑鄉李善云漢書右扶風栒縣有豳鄉詩豳國公劉所治邑也豳與邠同博物志扶風栒邑豳鄉公劉所封寰宇記邠州三水縣古豳地在縣西南三十里有古豳城在龐川水西蓋古公劉之邑即此城也郡國都城記豳國者后稷之曾孫曰公劉始都焉豳谷名也與故邠邑城相去約五十餘里漢志注云豳鄉是也史記周本紀公劉卒子慶節立國於豳徐廣曰新平漆縣之東北有豳亭帝王世紀公劉徙居邠於豳詩稱于豳斯館今新平漆之東有豳亭是也元和志邠州周之先公劉所居之地詩大雅篤公劉于豳斯館是也周本紀曰后稷子不窋末年夏改衰奔戎翟之閒至孫公劉修后稷之業乃國於豳按豳國城在今州理東北二十九里三水縣界古豳城是也括地志豳州新平縣即漢漆沮縣詩豳國公劉所邑之地也

美陽亭即豳也者美陽亭即豳亭民俗以夜市者桓譚新論扶風邠亭本太王所部其民有會日以相與夜中市如不為期則有重災咎庾信答移市教交貿之黨好雷豳岐之眾難遺馥案異物志狼臙民與漢人交關常夜為市

此與齒 俗同

𨾏

右扶風縣從邑眉聲

武悲切

右扶風縣者漢志右扶風有鄠縣玉篇鄠右扶風縣名鄠陽有鄠鄉詩崧高王饒于鄠傳云鄠地名正義云於漢屬右扶風在鎬京之西也漢書王尊傳上以尊為鄠令顏注鄠右扶風之縣史記白起傳白起者鄠人也正義云鄠岐州縣史記封禪書秦文公東獵汧渭之間卜居之而吉正義云括地志云鄠縣故城在岐州鄠縣東北十五里即此城也帝王世紀秦文公徙汧今扶風鄠縣是也三輔黃圖三輔郡皆有都尉如諸郡京輔都尉治華陰左輔都尉治高陵右輔都尉治鄠

𨾏

右扶風郁夷也從邑有聲

於六切

右扶風郁夷也者漢志又扶風郁夷縣下引詩周道郁夷顏注詩作倭遲韓詩作郁夷字言使臣乘馬行於此道

𨾏

右扶風縣名從邑零聲

胡古切

右扶風縣名者增韻鄠杜右扶風縣今屬鳳翔

𨾏

夏后同姓所封戰於甘者在鄠有扈谷甘亭從邑戶

警 胡古切

夏后同姓所封者書甘誓傳云有扈與夏同姓恃親而不恭釋文云有扈國名與夏同姓馬云姒姓之國為無道者戰於甘者者書甘誓大戰于甘書序啟與有扈戰于甘之野顏注刑法志啟與有扈戰于甘之野作甘誓甘即甘水之上竹書帝啟二年王帥師伐有扈大戰于甘漢書人表有扈氏顏注即與啟戰于甘者也周書史記解有夏之方輿也扈氏弱而不恭身外國也 在鄠者廣韻鄠縣名在東京兆府夏之扈國秦為鄠縣也釋文云案京兆鄠縣即有扈之國也甘水名今在鄠縣西寰宇記鄠縣故鄠城在縣北二里夏之扈國也元和志鄠縣本夏之扈國昭元年左傳夏有觀扈注云扈在始平鄠縣顏注刑法志扈國今鄠縣是也括地志雒州南鄠縣本夏之扈國也晉書地理志始平郡鄠縣古國夏啟所伐 有扈谷甘亭者言有扈谷亭及甘亭也漢志右扶風鄠縣古國有扈谷亭扈夏啟

所伐元和志扈至秦改為鄠邑漢屬右扶風寰宇記鄠縣本夏有扈國也有扈鄉復有扈谷亭又有甘亭是也水經注河水又東北逕卷之扈亭北春秋左傳曰文公七年晉趙盾與諸侯盟于扈竹書紀年晉出公十二年河絕于扈即于是也續漢書郡國志右扶風鄠有甘亭注云古扈國帝王世紀曰甘亭在縣南夏啟伐扈大戰於甘元和志甘亭在縣西南五里夏啟伐有扈誓師于甘之野即此處也通鑑唐高祖幸鄠縣校獵於甘谷注云鄠縣有甘水出南山甘與有扈氏戰之地輿地記今京兆鄠縣有甘水出南山甘谷入渭水經渭水自槐里故城南又東合甘水馥案扈谷即甘谷甘水所出北徑甘亭西

山

古文扈從山弓

釋山卑而大扈釋文作嶷玉篇嶷山廣貌馥謂當作峩

從山弓者徐鍇曰從辰巳之巳毛詩陟彼峩兮則從戊己之己

山

右扶風鄠鄉從邑崩聲沛城父有鄠鄉讀若陪

薄回切

右扶風鄠鄉者通作崩輿地志崩城縣故陳倉縣之故鄉聚名也晉武帝咸寧四年分陳倉立崩城縣屬始平郡馥案晉書地理志陳倉屬扶風郡崩城及鄠屬始平郡沛城父有鄠鄉者史記高祖功臣侯年表有崩城侯周緹傳崩成侯緹者沛人也索隱崩者鄉名案三倉云崩鄉在城父漢書作崩從崩從邑今書本竝作崩音管崩之崩崔浩音薄壤反讀若陪者本書崩讀若陪位案周禮士師為邦崩故書崩作備集韻備部浼切姓也漢有備宗漢書功臣表崩成制侯周緹顏注崩音陪又音普肯反周緹傳更封緹為鄠城侯服虔曰音管崩之崩顏注此字從崩從邑音崩非也呂忱音陪而楚漢春秋作憑城侯陪憑聲相近此其實也馥案此猶乃讀仍徵讀止老子河上公本乘歸王弼本作備備兮

右扶風鄠鄉從邑且聲

子余切

山

右扶風鄠鄉盤座縣從邑赤聲

呼各切

右扶風鄠鄉盤座縣者本書初印本作右扶風鄠盤座鄉小字本李燾本集韻類篇竝同玉篇郝右扶風鄠盤座鄉廣

無郝 郝京兆蓋座鄉名也徐錯韻譜郝扶風縣馥案漢志扶風



周文王所都在京兆杜陵西南從邑豐馨

敦戎切

周文王所都者僖二十四年左傳畢原豐郇文之昭也昭四年傳康有豐宮之朝杜云豐在始平通作豐書召誥王朝步自周則至于豐畢命王朝步自宗周至于豐傳云豐文王所都武成王來自商至于豐釋文豐文王所都也詩文王有聲豐水東注史記周本紀作豐邑自岐下徙都豐水經渭水云又東豐水從南來注之三輔黃圖豐水出鄠南山豐谷北入渭長安志豐水出長安縣西南五十里終南山豐谷又或作灃禹貢灃水攸同漢志作鄠云鄠水出扶風鄠縣東南北過上林苑入渭在京兆杜陵西南者徐廣史記音義豐在京兆鄠縣東皇甫謐曰豐在京兆府鄠縣豐水之西鄠康成曰豐在豐水之西鎬在豐水之東相去蓋二十五里也括地志豐宮文王宮也在雒州鄠縣東三十五里杜注左傳鄠國在始平鄠縣東通典鄠今京兆府長安縣西北靈臺鄉豐水上



京兆縣周厲王子友所封從邑真馨宗周之滅鄭徙

澗消之上今新鄭是也

直正切

王觀國曰漢中郡有南鄭縣京兆之鄭在西河南之鄭在東則漢中之鄭在南故以南別之也

京兆縣周厲王子友所封者漢志京兆尹鄭縣周宣王弟鄭公邑應劭曰宣王母弟友所封也其子與平王東遷更稱新鄭周語鄭出自宣王世史記鄭世家鄭桓公友之弟出者鄭國之封出於宣王之世史記鄭世家鄭桓公友者周厲王少子而宣王庶弟也宣王立二十二年友初封於鄭索隱云鄭縣名屬京兆秦武公十一年初縣杜鄭是也又系本云桓公居械林徙拾宋忠云械林與拾皆舊地名是封桓公乃名為鄭自至秦之縣鄭是鄭武公東徙新鄭之後其舊鄭乃是故都故秦始改為縣也出地理志馥案械林諸書或作械林詩譜宣王封母弟友於宗周畿內械林之地韋注國語桓公友封於械林詩地理攷鄭縣其地一名械林世本桓公居械林通鑑外紀宣王二十二年封季弟友於鄭都械林是也杜預春秋世族譜鄭姬姓周厲王子宣王母弟桓公友之後也括地志鄭故城在華州鄭縣西

北三里桓公友之邑秦縣之郡縣志古鄭城在華州鄭縣
西北二里按漢屬京兆後魏置東離州改為華州 眞警
者本書年從年警讀若寧郇從旬警讀若泓鯁從廷警音
徒典切 宗周之滅鄭徙澠洧之上今新鄭是也者漢志
鄭國今河南之新鄭本高辛氏火正祝融之虛也及成皋
滎陽潁川之崇高陽城皆鄭分也本周宣王弟友爲周司
徒倉采於宗周畿內是爲鄭鄭桓公問於史伯曰王室多
故何所可以逃史伯曰四方之國非王母弟甥舅則夷
狄不可入也其濟洛河潁之間乎子男之國號會爲大恃
執與險密侈貪冒君若寄帑與賄周亂而敝必將背君君
以成周之衆奉辭伐罪不克矣桓公從其言乃東寄帑
與賄號會受之後三年幽王敗桓公於其子武公與平王
東遷卒定號會之地右雒左洧會溱洧焉又河南郡新鄭
下云詩鄭國鄭桓公之子武公所國後爲韓所滅應劭曰
國語曰鄭桓公爲周司徒王室將亂寄帑與賄於號會之
閒幽王敗桓公於其子武公與平王東遷洛邑遂伐號
會而并其地而邑於此桓十一年公羊傳古者鄭國處於
雷先鄭伯有善于鄭公者通乎夫人以取其國而遷鄭焉
何云遷鄭都於鄭也鄭語乃東寄帑與賄號鄭受之十邑
皆有寄地韋云十邑謂號鄭郟蔽補丹依畎歷華也後桓

公之子武公竟取十邑之地而居之輿地記鄭所遷檜在
今鄭州新鄭縣襄二十九年左傳爲之歌鄭賈注鄭風東
鄭是服注鄭東鄭古檜國之地隱元年左傳鄭伯克段于
鄭注云鄭在滎陽宛陵縣西南鄭今潁川鄆陵縣正義云
地理志河南郡有宛陵新鄭各自爲縣晉世分河南而立
滎陽廢新鄭而入宛陵故鄭在宛陵西南也又地理志潁
川郡有鄆陵縣韋昭注國語鄭姬姓周厲王之子宣王母
弟桓公友封於咸林今京兆鄭邑是也幽王無道乃徙其
人於號鄭之閒遂有其地今河南新鄭是也詩譜初宣王
封母弟友於宗周畿內咸林之地是爲鄭桓公今京兆鄭
縣是其都也爲幽王大司徒甚得周衆與東土之人問於
史伯曰王室多故余懼及焉其何所可以逃史伯曰其
濟洛河潁之間乎是其子男之國號鄭爲大號叔恃勢鄭
仲恃險皆有驕侈怠慢之心加以貪冒君若以周難之
故寄帑與賄不敢不許是驕而貪必將背君君以成周之
衆奉辭罰罪無不克矣若克二邑鄆蔽補丹依畎歷華君
之士也修典刑以守之惟是可以少固桓公從之言然之
後三年幽王爲犬戎所殺桓公於之其子武公與晉文侯
定平王於東都王城卒取史伯所云十邑之地右洛左濟
前華後河會溱洧焉今河南新鄭是也初學記陳州陳地

也古豫州城平王東遷鄭武公居之今新鄭其後韓哀侯滅鄭而居其地顏師古曰春秋外傳云幽王既敗鄭桓公外之其子武公與平王東遷故左氏傳云我周之東遷晉鄭焉依又鄭莊公云吾先君新邑於此蓋道新鄭也新唐書宰相世系表周厲王少子友封於鄭是為桓公其地華州鄭縣是也生武公與晉文侯夾輔平王東遷於洛徙溱洧之間謂之新鄭其地河南新鄭是也王觀國曰京兆之鄭乃威公之封至於平王東遷洛邑武公始邑於新鄭故鄭莊公曰吾先君新邑於此先君謂武公也

左馮翊郃陽縣從邑合聲詩曰在郃之陽侯閭切

竹書威烈王十七年魏文侯築汾陰郃陽

左馮翊郃陽縣者見漢志應劭曰在郃水之陽也括地志郃陽故城在同州河西縣南三里詩曰在郃之陽者大雅大明文彼作洽傳云洽水也水經注郃陽城南有瀋水東流注於河水即郃水也縣取名焉元和志郃陽縣本漢襄縣屬左馮翊在郃水之陽詩大雅所謂在郃之陽是也又云郃水在舊河西縣南五里今郃陽界內

京兆藍田鄉從邑口聲苦后切

京兆杜陵鄉從邑樊聲附袁切

京兆杜陵鄉者徐鍇曰此即樊川漢曰御宿在長安城南終南山北連芙蓉園曲江也通作樊詩烝民生仲山甫傳云樊侯也姓苑樊仲山甫之後因國為氏

左馮翊從邑庶聲甫無切

左馮翊縣者見漢志彼作郃孟康音敷史記秦本紀初為郃時注云郃縣屬馮翊馮翊馥案隋置郃州唐宋因之寰宇記郃州郃城縣本漢郃縣地屬左馮翊

左馮翊郃陽亭從邑郃聲同都切

左馮翊郃陽亭者集韻類篇詩地理攷竝引作郃陽亭廣韻郃亭名在郃陽通作屠詩韓奕出宿于屠傳云屠地名橋水李氏曰同州有郃谷戴君震曰詩出宿于屠屠即郃今西安府同州有郃谷

𠄎

左馮翊高陵從邑由聲徒歷切

左馮翊高陵者陵下脫亭字玉篇左馮翊高陵縣有郵亭廣韻郵亭名在高陵

𠄎

左馮翊谷口鄉從邑季聲讀若寧奴顛切

左馮翊谷口鄉者廣韻邽鄉名在馮翊谷口 讀若寧者襄三十年公羊春秋天王殺其弟年夫左氏作佞夫國語輿人頌佞之見佞果喪其田

𠄎

隴西上邽也從邑圭聲古畦切

隴西上邽也者見漢志應劭曰史記故邽戎邑也又京兆尹有下邽應劭曰秦武公伐邽戎置有上邽故加下後漢書光武紀進幸上邽注云上邽縣名屬隴西郡故邽戎邑今秦州縣

𠄎

天水狄部從邑杏聲蒲口切

天水狄部者部猶益部冀部刺史部也後漢書宗室傳注云都部者都統其眾也

𠄎

弘農縣庾地從邑豆聲當侯切

𠄎

河南縣直城門官陌地也從邑辱聲春秋傳曰成王

定鼎于郊而蜀切

史記索隱鄔謂田厚耨

河南縣直城門官陌地也者春秋昭二十二年劉子單子以王猛入于王城注云王城郊鄔今河南縣漢志河南郡河南縣故郊鄔地周武王遷九鼎周公叙太平營以為都是為王城至平王居之郡國志洛州王城宮城西入苑故郊鄔城也帝王世紀城西有郊鄔陌昭二十六年左傳至於幽王天不弔周王昏不若用愆厥位攜王奸命諸侯替之而建王嗣用遷郊鄔 春秋傳曰成王定鼎于郊鄔者宣三年左傳文注云郊鄔今河南也 史記楚世家昔成王定鼎於郊鄔郡國志周武王伐殷遷九鼎此地也水經注穀水云京相璠曰郊山名鄔地邑也卜年定鼎為王之東南名曰鼎門蓋九鼎所從入也

𡗗 周邑也從邑輦聲 力展切

周邑也者昭二十九年左傳王子趙車入于鄴以叛杜云鄴周邑

𡗗 周邑也從邑祭聲 側介切

周邑也者鄴省作祭廣韻祭周大夫邑名又姓周公第五子祭伯其後以為氏僖二十四年左傳凡蔣邢茅胙祭周公之允也漢書古今人表有祭侯周公子

𡗗 河南洛陽北亾山上邑從邑亾聲 莫郎切

周書周公將致政乃作大邑於洛北因亾山以為天下之湊也 三輔漢錄梁鴻東出關過京師作五噫之歌曰陟彼北亾兮噫 獻帝春秋董卓率兵迎帝於北亾 續漢書孝桓鄧后以憂歿葬於北亾 皇覽呂不韋葬洛陽北亾道西 魏書孝莊紀余朱榮還晉陽帝餞於亾陰 真誥地肺似洛中北亾山土水 謝靈運山居賦自注應璩與程文信書云故求道田在關之西南臨洛水北據亾山 陳書柳后傳葬洛陽之亾山 周興嗣千字文背亾面洛 楊佺期洛城記

北山連嶺修亾四百餘里實古今東洛九原之地也 十道志亾山在洛陽縣北四十里 西山記亾山西連東垣亾阜

相屬 廣志洛陽北亾張公有夏梨一樹 兩京記隋煬帝登北亾觀伊闕 朱异田飲引曰卜田宇今京之陽面清洛

兮背修亾 北堂書鈔引述征記曹真祠堂在北亾山 元和志河南府偃師縣下云北亾山在縣北二里西自洛陽縣

界東入鞏縣界舊說云北亾山是隴山之尾乃衆山總名連嶺修亾四百餘里 唐新語毋喫夢著衣冠上北亾山親友

相送及卒僚友送葬北亾山戚如所夢 通鑑魏帝出獵北亾又云魏主令代人遷洛者宜悉葬亾山注云亾山在洛陽城

北又云陳叔寶從隋文帝登亾山注云亾山在洛陽城北又云楊玄挺自白司馬坂逾亾山南入注云白司馬坂在亾山

北亾山在洛陽城北 通作亾昭二十二年左傳王田北山杜云北山洛北亾也謝承後漢書公孫瓚到洛陽具豚酒於北

亾上祭辭先人墳塋魏志明帝即位欲平北亾令登臺便觀見孟津廷尉辛毗諫曰天地之性高高下下今而反之既非

其理加以損費人功民不堪役且若九河盛溢洪水為害而邱陵皆夷何以禦之帝乃止晉書趙王倫傳別立宣帝廟於

亾山陳書後主紀葬河南洛陽之亾山述征記北亾洛陽北

亾嶺靡迤長阜自榮陽山連嶺修亾暨於東垣朱超石與兄

書登北芒遠眺眾美都盡潘岳河陽縣詩修芒鬱岩堯盧諶
時典詩北踰芒與河張載七哀詩北芒何壘壘高陵有四五
李善注竝云北芒山名也寰宇記芒山一作邱山
在河南縣北十里一名平逢山亦鄰山之別名也

河南洛陽北芒山上邑者小字本李
燾本玉篇類篇集韻引竝作土山

周邑也從邑尋聲 徐林切

周邑也者昭二十二年左傳鄆盼伐皇杜預土地名云今
鞏洛渡北有鄆谷水東入洛謂之下鄆故有上鄆下鄆之
名亦謂之北鄆於是南鄆北鄆之稱矣又有鄆城蓋周
大夫鄆盼之舊邑昭二十三年傳郊鄆潰杜云河南鞏縣
西南有地名鄆中郊
鄆二邑皆子朝所得

周邑也 丑脂切

周邑也者玉篇鄆周邑在河內野王縣西南通作絺隱十
一年左傳王取鄆劉蔣邗之田于鄭而與鄭人蘇忿生之
田溫原絺樊杜云
絺在野王縣西南

鄆 河內沁水鄉從邑軍聲魯有鄆地 王問切

魯有鄆地者春秋昭二十九年公至自乾侯居於鄆成十
六年左傳公還待於鄆杜云鄆魯西邑東郡廩邱縣東有
鄆城京相璠曰公還待于鄆公羊作運字今東郡廩邱縣
東八十里有故運城卽此城也成四年城鄆杜云公欲叛
晉故城而爲備正義云公欲叛晉故城鄆以爲備當西鄆
也馥案此皆言西鄆文十二年季孫行父帥師城諸及鄆
杜云城陽姑幕縣南有員亭員卽鄆也春秋土地名琅邪
姑幕縣南四十里員亭故魯鄆邑世變其字非也成九年
楚公子嬰齊伐莒莒潰楚遂入鄆杜云莒別邑也馥案此
卽莒魯所爭之鄆趙孟所謂莒魯爭鄆爲日久矣是也襄
十二年莒人伐我東鄙圍台季孫宿救台遂入鄆昭元年
取鄆范甯曰鄆魯邑言取者叛戾不服疏云案左氏鄆爲
莒邑范知魯邑者以經有城諸及鄆之文此鄆不繼莒故
知魯邑也公羊傳曰鄆者何內之邑也其言取何不聽也
何休云不聽者叛也是范所據之文也定六年圍鄆正義
云鄆是魯邑輒曰圍之必是鄆邑叛也晉書地理志東莞
郡東莞縣故魯鄆邑水經注沂水又東南逕東莞縣故城
西孟康曰縣故鄆邑今鄆亭是也左氏傳曰莒魯爭鄆爲

日久矣今城北鄆亭是也郡國志東莞有鄆亭今在團城
東北四十里猶謂之故東莞城矣寰宇記沂水縣下云十
三州志曰魯有東西二鄆魯昭公所居者為西鄆在兗州
東平郡是也莒與魯所爭為東鄆即此縣是也馥案此皆
言東鄆也



故商邑自河內朝歌以北是也從邑北聲

補妹切

故商邑自河內朝歌以北是也者玉篇紂城東曰衛南曰
鄆北曰邶也字書紂都城北曰邶南曰鄆東曰衛六書故
受作北里之舞記所謂桑間濮上之音蓋其地也鄭詩譜
自紂城朝歌而北謂之邶周書酒誥明大命于妹邦鄭注
妹邦者紂之都所處也於詩國屬鄆故其風有沫之鄉則
沫之北沫之東朝歌也馥案鄭意以沫鄉屬鄆在南沫北
為邶在北沫東則衛矣廣韻作邶云紂
之畿內國名東曰衛南曰鄆北曰邶



周武王子所封在河內野王是也從邑弓聲又讀若

區況于切

周武王子所封在河內野王是也者僖廿四年左傳邢晉
應韓武之穆也杜云四國皆武王子河內野王縣西北有
邶城春秋土地名今野王西北三十里有故邶城邶臺是
也今故城當太行南道路出其中漢武帝封李壽為侯國
馥案漢書武五子傳其封李壽為邶侯韋昭曰邶在河內
竹書帝辛元年命九侯周侯邶侯三十四年周師取耆及
邢史記周本紀伐邢徐廣音義邢城在野王縣西北音于
正義云括地志云故邢城在懷州河內縣西北二十七里
古邢國城也孟康注漢志河內郡墜王縣云故邢國也今
邢亭是也古今人表邢侯武王子郡國志河內郡野王有
邢城注云史記曰紂以文王九侯鄂侯為三公徐廣曰鄂
一作邢武王子封在縣西北水經注沁水又東邢水注之
其水南流逕邢城西故邢國也城南有邢臺春秋僖公二
十四年王將伐鄭富辰諫曰邢武之穆也京相璠曰今野
王西北三十里有故邢城邢臺是也通作于千姓編于本
姓邢周武王子邢叔之後子孫去邑為于漢有于定國魏
將于禁望出
東海河南

殷諸侯國在上黨東北從邑初聲初古文利商書西

伯戡鼈

殷諸侯國在上黨東北者通作黎宣十五年左傳棄仲章而奪黎氏地注云黎氏黎侯國上黨壺國縣有黎亭詩序式微黎侯寓於衛其臣勸以歸也水經河水云又東北過黎陽縣南鄘注黎侯國也詩式微黎侯寓於衛是也漢志上黨郡壺關有黎亭故黎國注云文王戡黎即此也晉書地理志魏郡黎陽縣故黎侯國通典潞州上黨縣古黎侯國西伯戡黎即此漢為壺關縣元和志潞州黎城縣古黎國春秋曰晉荀林父滅潞立黎侯而還今縣東十八里黎侯城是也九域志潞州黎侯亭在黎侯嶺上商書西伯戡鼈者本書或下引書作或書傳黎近王圻之諸侯在上黨東北正義云黎國漢之上黨郡壺關所治黎亭是也郭注爾雅引書西伯戡黎釋文作鼈云國名通作者史記周本紀敗耆國正義云即黎國也鄒誕生云本或作黎括地志云故黎城黎侯國也在潞州黎城縣東北十八里尚書云西伯既戡黎是也宋微子世家及祖伊以周西伯昌之修德滅阮國集解徐廣曰阮音耆索隱耆即黎也鄒誕生本作鼈音黎詩文王正義云案殷傳云西伯得四友獻寶兔於

虎口而克耆大傳曰得三子獻寶紂釋文王而出伐黎其言既同則黎耆一物

晉邑也從邑召聲

晉邑也者襄二十三年左傳齊侯伐晉成邾邵杜云取晉邑而守之文六年左傳殺諸邾劭博物志作邾邵云河東垣縣有邾邵之阨襄二十三年成邾邵此其地也郡國志河東郡垣有邵亭顧炎武曰今濟源縣西一百二十里有邵原關唐置邵原縣

晉邑也從邑冥聲春秋傳曰伐鄭三門

晉邑也者括地志故鄭城在陝州河北縣東十里虞邑也馥謂晉滅虞虢後為晉邑春秋傳曰伐鄭三門者僖元年左傳文注云鄭虞邑服虔注鄭晉別都

晉邠侯邑從邑畜聲

晉邠侯邑者襄二十六年左傳離子奔晉晉人與之鄙注云鄙晉邑昭十四年傳晉邠侯與離子爭鄙田罪在離子

雒子納其女於叔魚叔魚蔽罪邢侯孔晁注晉語云邢與鄩比爭疆界容齋五筆云風俗通敘希姓有東海太守鄩熙馥案漢有鄩君開通褒斜道碑鄩君即邢侯之後以邑為姓

𡗗

晉之溫地從邑侯警春秋傳曰爭鄆田

胡邁切

晉之溫地者僖二十五年左傳天子與晉文公陽樊溫原攢茅之田晉使狐溱為溫大夫昭三年左傳趙文子曰溫

吾縣也杜云溫趙氏邑馥謂劉子單子所云襄王勞文公而賜之溫狐氏陽氏先處之是也春秋傳曰爭鄆田者

成十一年左傳文注云鄆溫別邑今河內懷縣西南有鄆人亭

𡗗

晉邑也從邑必警春秋傳曰晉楚戰于鄆

毗必切

春秋傳曰晉楚戰于鄆者宣十三年經晉荀林父帥師及楚子戰于鄆杜注以鄆為鄭地水經注濟水於此又兼鄆目春秋宣公十三年晉楚之戰楚軍于鄆即是水也

𡗗

晉大夫叔虎邑也從邑谷警

綺載切

晉大夫叔虎邑也者即國語郤虎也或作郤警類郤鄉在河內漢有郤正晉有郤超郤鑿

𡗗

河東聞喜縣從邑非警

薄回切

河東聞喜縣者縣當為鄉玉篇葦聞喜鄉廣韻葦鄉名在聞喜唐書宰相世系表周孝王使非子養馬汧渭之間以馬蕃息封之於秦為附庸使續嬴氏號曰秦嬴非子之支孫封葦鄉因為氏今聞喜葦城是也唐氏族志伯益之後封於葦鄉因為氏後徙封解邑乃去邑從衣馥謂唐之裴氏是其後

𡗗

河東聞喜聚從邑虔警

渠馬切

河東聞喜聚者五音集韻聞喜有鄆鄆馥案本書邑落曰鄆

𡗗

河東聞喜鄉從邑匡警

去王切

𡗗

河東臨汾地即漢之所祭后土處從邑癸警

揆唯切

河東臨汾地即漢之所祭后土處者通作臚漢書郊祀志有司與太史令談祠官寬舒議天地牲角繭栗今陛下親

祠后土后土宜於澤中園丘為五壇壇一黃犢牢具已祠
盡瘞而從祠衣尚黃於是天子東幸汾陰男子公孫滂洋
等見汾旁有光如絳上遂立后土祠於汾陰雕上如寬舒
等議武帝紀元鼎四年十一月甲子立后土祠于汾陰雕
上蘇林曰雕音誰如淳曰雕者河之東岸特堆掘長四五
里廣二里餘高十餘丈汾陰縣治雕之上后土祠在縣西
汾在雕之北西流與河合顏注二說皆是也雕者以其形
高起如人尻雕故以名云一說此臨汾水之上地名鄴
音與葵同彼鄉人呼葵音如誰故轉而為雕字耳故漢舊
儀云葵上馥案漢舊儀漢法三歲一祭地於河東汾陰后
土宮宮曲入河古之祭地澤中故漢氏之方澤也賈逵云漢
也水經注汾水西逕鄴邱北故漢氏之方澤也賈逵云漢
法三年祭地汾陰方澤澤中有方邱故謂之方澤邱即鄴
邱也許慎說文稱從邑癸聲河東臨汾地名矣在介山北
山即汾山也顧炎武曰漢孝武所立后土祠在今榮河縣
北十里地名鄴上或曰雕上又通作魁列子湯問篇以君
之力曾不能捐魁父之邱注云淮南子作魁阜謂小山如
堆阜楚詞九歌陵魁堆以蔽視兮史記趙世家嬴姓將大
敗周人於范魁之西正義引賈逵云小阜曰魁

周公子所封地近河內懷從邑开聲 戶經切

周公子所封地近河內懷者僖二十四年左傳凡蔣邢茅
昨祭周公之肩也漢書人表邢侯周公子春秋僖元年邢
遷于夷儀杜云夷儀邢地漢志河內郡平皋縣應劭曰邢
侯自襄國徙此當齊桓公時衛人伐邢邢遷于夷儀其地
屬晉號曰邢邱以其在河之皋處執平夷故曰平皋臣瓚
曰春秋傳狄人伐邢邢遷于夷儀不至此也今襄國西有
夷儀城去襄國百餘里邢是邱名非國也顏注應說非也
左氏傳曰晉侯送女于邢邱蓋謂此耳水經注濟水云又
東逕平皋城南按春秋宣公六年赤狄伐晉圍邢邱昔晉
侯送女于楚送之邢邱即是此處也竹書紀年曰梁惠成
王三年鄭城邢邱司馬彪後漢郡國志云縣有邢邱故邢
國周公子所封矣又沁水去韓詩外傳曰武王伐紂到邢
邱更名邢邱曰懷春秋時赤翟伐晉圍懷是也王莽以為
河內馥案應劭謂邢侯自襄國徙此者邢國本在襄國隱
五年曲沃莊伯以鄭人邢人伐翼莊三十二年狄伐邢杜
注並云邢國在廣平襄國縣正義云地理志云趙國襄國
縣故邢國然則於漢屬趙國於晉屬廣平开聲者玉篇
邢胡丁切左氏傳狄伐邢杜預云邢國在廣平襄國縣又

輕干切周公子所封地近河內

𠄎

太原縣名從邑鳥聲

安古切

昭二十八年左傳晉祁勝與鄆臧通室釋文鄆舊鳥戶反又音偃案地名在周者鳥戶反隱十一年王取鄆留是也在鄭者音偃成十六年戰于鄆陵是也在楚者於建反又音偃昭十三年王沿夏將入鄆是也在晉者於庶反字林乙祛反郭璞三倉解詁音瘞於庶反闕駟音厭飫之飫重言之太原有鄆縣唯周地者從鳥餘皆從焉字林亦作陽音同傳云分祁氏之田以為七縣司馬彌牟為鄆大夫即太原縣也鄆臧宜以邑為氏音於爰反舊音誤馥案於爰反通志堂本作於庶反

太原縣名者諸書所引竝無名字漢志太原郡鄆縣晉大夫司馬彌牟邑曹參傳軍於鄆東蘇林曰鄆太原縣也昭二十八年左傳司馬彌牟為鄆大夫注云太原鄆縣水經注汾水云汾水於縣左馱陵迤為鄆澤廣雅曰水自汾出為汾陂其陂南接鄆呂氏春秋謂之大陸又名之曰溫洩之澤俗謂之鄆城泊又云太谷水流逕祁縣故城南自縣

連延西接鄆澤又云侯甲水又西合于嬰侯之水逕鄆縣故城南晉大夫司馬彌牟之邑也

祁

太原縣從邑示聲

巨支切

水經注汾水云侯甲水發源祁縣胡甲山有長坂謂之胡甲嶺即劉歆遂初賦所謂越侯甲而長驅者也蔡邕曰侯甲亦邑名也在祁縣侯甲水又西北歷宜歲郊逕太谷謂之太谷水出谷西北流逕祁縣故城南自縣連延西接鄆澤是為祁藪也即爾雅所謂昭餘祁矣王莽之示縣也

太原縣者廣韻祁縣名在太原左傳晉大夫祁奚之邑因以名之漢志太原郡祁縣晉大夫賈辛邑昭二十八年左傳晉祁勝與鄆臧通室釋文引字林祁太原縣傳又云賈辛為祁大夫注云太原祁縣

鄆

魏郡縣從邑業聲

魚怯切

魏郡縣者漢志魏郡鄆縣故大河在東北入海史記燕世家秦拔趙之鄆正義曰即相州鄆縣也

鄆

鄆地郡亭從邑井聲

戶經切

鄭地郡亭者通作邢
廣韻邢地名在鄭

邑

趙邯鄲縣從邑甘馨

胡安切

趙邯鄲縣者漢志趙國邯鄲縣張晏曰邯鄲邯山在東城下單盡也城郭從邑故加邑云水經濁漳水云牛首水又東歷邯鄲阜張晏所謂邯山在東城下者也曰單盡也城郭從邑故加邑邯鄲之名蓋指此以立稱矣故趙郡治也圖經邯鄲單盡也邯山名謂邯山之盡所也羊頭山記邯鄲城邯山名單盡也邯山至此而盡也定十年左傳衛侯伐邯鄲午於寒氏杜云邯鄲廣平縣也急就篇邯鄲河閒沛巴蜀顏注邯鄲趙國所都也王注秦邯鄲漢高帝改趙國邯鄲縣帝王世紀邯鄲國屬趙於禹貢在冀州大陸之野昂畢之分大梁之次

邯鄲縣從邑單馨

都寒切

鄲

周武王子所封國在晉地從邑旬馨讀若泓

相倫切

五音集韻作鄲云在河東解縣周文王子封於鄲
王六年王錫鄲伯命 僖二十四年左傳軍於鄲

竹書昭北征賦

息鄲邠之邑鄉

周武王子所封國在晉地者武當為文王篇鄲伯文王子也今河東有鄲城詩下泉鄲伯勞之傳云鄲伯鄲侯也箋云鄲侯文王之子僖二十四年左傳管蔡邲霍魯衛毛聃邲雍曹滕畢原鄲文之昭也杜云十六國皆文王子也史記晉世家咎犯與秦晉大夫盟於鄲索隱云即文王子所封也漢書人表鄲侯文王子輿地廣記河中府猗氏縣有鄲城文王子所封在晉地者水經注涑水云涑水又西逕鄲城詩云鄲伯勞之蓋其故國也杜元凱春秋釋地云今解縣西北有鄲城服虔曰鄲國在解縣東鄲瑗氏之墟也余案竹書紀年云晉惠公十有四年秦穆公率師送公子重耳圍令狐桑泉曰衰皆降於秦師狐毛與先軫禦秦至于廬柳乃謂秦穆公使公子絳來與師言退舍次于鄲盟于軍京相璠春秋土地名曰桑泉曰衰並解縣東南不言解明不至解可知春秋之文與竹書不殊今解故城東北二十四里有故城在猗氏故城西北鄉俗名之為鄲城考服虔之說又與俗符賢於杜氏單文孤證矣晉語師退次於鄲韋云鄲晉地括地志鄲城在猗氏縣西南四里元和志猗氏縣故鄲邑在縣西南四里鄲瑗氏之地

讀若泓者猶鄒讀若寧集韻鄒 姓音環馥案瑩瑩亦作嬛嬛

鄒 清河縣從邑俞聲 式朱切

清河縣者見漢志又溝洫志鄒居河北顏注鄒音輸清河縣也 之縣也欒布傳以功封為鄒侯蘇林曰鄒音輸清河縣也

高 常山縣世祖即位今為高邑從邑高聲 呼各切

春秋桓十五年公會齊侯于鄒 左傳齊國夏伐晉取鄒 哀四年傳取邶任欒邾杜云鄒即高邑縣也 燕策令栗腹

以四十萬攻鄒趙使廉頗以入萬遇栗腹於鄒 史記燕世家 家栗腹將而攻鄒 趙策引水圍鄒鮑云即高邑 史記信

陵君傳趙王以鄒為公子湯沐邑 續漢書郡國志冀州理 鄒注云鄒音郝今趙州高邑縣 春秋保乾圖建天子於鄒

之陽名 曰行皇

常山縣世祖即位今為高邑者玉篇常山縣光武即位 改為高邑廣韻鄒光武立處邑名徐廣史記音義鄒在常

山今日高邑史記索隱鄒音霍趙邑名屬常山漢志常山 郡鄒縣世祖即位更名高邑韓信傳軍敗鄒下李奇曰鄒

音囊臞之臞常山縣也光武即位於此故改曰高邑東觀 漢記上所與長安同舍諸生強華自長安奉赤符詣鄒與

上會羣臣復伏固請乃命有司設壇鄒之千秋亭六月即 皇帝位後漢書光武紀於是命有司設壇場於鄒南于臞

亭五成陌六月己未即皇帝位建元為建武改鄒為高邑 郡國志常山國高邑故鄒光武更名刺史治有千秋亭五

城陌光武即位於此矣班固傳立號高邑建都河洛注云 言光武即位於鄒而改鄒為高邑也帝王世紀光武以武

信侯進封蕭王及即位於鄒更名高邑魏書地形志高邑 前漢曰鄒後漢光武改十道志高邑縣趙房子之邑竹書

紀年作魴子漢以為鄒縣後漢復改為高邑晏氏類要高 邑縣本戰國時趙房子邑漢屬常山郡趙記曰惠文王四

年城之是也後併入鄒縣光武即位更名高邑又柏鄉縣 高邑縣漢之鄒縣光武即位更名高邑又柏鄉縣漢鄒縣

之地漢以為縣屬常山郡後漢光武即位於鄒南千秋亭 五城陌因改曰

高邑屬常山國

鉅鹿 鉅鹿縣從邑臬聲 牽遙切

鉅鹿縣者見郡國志光武紀擊銅馬於鄴注云縣名屬鉅鹿郡故城在今冀州鹿城縣東鄴音古堯反前書紀年曰衛鞅封于鄴臣賢按下文云吳漢將突騎來會清陽又追至館陶竝與鄴相近史記仲尼弟子鄴單徐廣曰鉅鹿有鄴縣或作鄴地理志鉅鹿郡有鄴縣寰宇記東鹿縣鄴城漢邑名廢城在縣東

𡗗

涿郡縣從邑莫馨

慕各切

涿郡縣者見漢志應劭曰音莫案唐開元十三年衛包以鄭類鄭去邑作莫今任邱縣即其地史記趙世家燕鄭易索隱云皆屬涿郡

𡗗

北地郁郅縣從邑至馨

之日切

北地郁郅縣者見漢志周地圖郁郅城今名尉季城在白馬嶺兩川交口水經注尉季亦曰不窟疑郁郅之訛也元和郡縣志慶州順化縣不窟故城在焉秦始皇時為北地本漢郁郅縣

𡗗

北方長狄國也在夏為防風氏在殷為汪茫氏從邑

麥馨春秋傳曰鄆瞞侵齊

所鳩切

漢書五行志秦始皇帝二十六年有大人長五丈足履六尺皆夷狄服凡十二人見于臨洮

北方長狄國也者左傳釋文引同穀梁傳長狄兄弟三人佚宕中國氏石不能害叔孫得臣最善射者也射其目身

橫九畝斷其首而載之肩見於軾左傳敗狄于鹹獲長狄僑如杜注僑如鄆瞞狄國之君蓋長三丈在夏為防風

氏在殷為汪茫氏者左傳釋文引同本書嶠封嶠之山在吳楚之間汪茫之國左傳釋文亦引作茫魯語吳伐越墮

會稽獲骨焉節專車吳子使好來聘且問之仲尼曰敢問骨何為大仲尼曰邱聞之昔禹致羣神於會稽之山防風

氏後至禹殺而戮之其骨節專車此為大矣客曰防風氏何守也仲尼曰汪茫氏之君也守封隅之山者也為漆姓

在虞夏商為汪茫氏於周為長翟今為大人客曰人長之極幾何仲尼曰焦僂氏長三尺短之至也長者不過十

數之極也韋昭云封封山隅隅山在今吳郡永安縣周世其國北遷為長翟也春秋傳曰鄆瞞侵齊者文十一年

左傳文注云鄆瞞狄國名防風之後漆姓



炎帝太嶽之脗甫侯所封在潁川從邑無聲讀若許

虛呂切

考古圖有鄒鼎銘 通作許春秋隱十年公及齊侯鄭伯入許杜云許潁川許昌縣正義云譜云許姜姓與齊同祖堯四岳伯夷之後也周武王封其苗裔文叔于許今潁川許昌是也靈公徒葉悼公遷夷一名城父又居析一名白羽許男斯處容城自文叔至莊公十一世始見春秋元公于結元年獲麟之歲也當戰國初楚滅之成十五年左傳許靈公畏偃于鄭請遷于楚楚公子申遷許于葉杜云葉今南陽葉縣也襄十一年傳晉荀罃東侵舊許注云許之舊國鄭新邑正義云謂之舊許明是許之舊國許南遷而鄭得之

炎帝太嶽之脗者顏注急就篇太嶽之脗有姜姓者封於許國其後為楚所滅未裔姓許隱十一年左傳夫許大岳之脗也杜云大岳神農之後堯四岳也正義云周語稱共工伯鯀二者皆黃炎之後言鯀為黃帝之後共工為炎帝之後炎帝則神農之別號周語又稱堯命禹治水共之從孫四岳佐之胙四岳國命為侯伯賜姓曰姜氏曰有呂賈

達云共共工也從孫同姓末嗣之孫四岳官名大岳也主四岳之祭焉姜炎帝之姓其後變易至於四岳帝復賜之祖姓以紹炎帝之後以此知大岳是神農之後堯四岳也以其主岳之祀尊之故稱大岳許國是其後也周語申呂雖衰齊許猶在韋注申呂四岳之後商周之世或封於申齊許其族也 甫侯所封者詩崧高維嶽降神生甫及申傳云堯之時姜氏為四伯掌四嶽之祀述諸侯之職於周則有甫有申有齊有許也箋云四嶽卿士之官掌四時者也因主方嶽巡守之事在堯時姜姓為之德當嶽神之意而福與其子孫歷虞夏商世有國土周之甫也申也齊也許也皆其苗胃揚之水不與我成甫傳云甫諸姜也又云不與我成許傳云許諸姜也正義云尚書有呂荆之篇禮記引之皆作甫荆書呂荆傳云呂侯見命為卿後為甫侯故稱甫荆 在潁川者本書敘會曾小子祖自炎神縉雲相黃共承高辛太岳佐夏呂叔作藩俾侯於許世祚遺靈自彼徂召宅此汝潁復案許在潁川許公則居汝南召陵也地理志潁川郡許縣故國姜姓四岳後大叔所封二十四世為楚所滅春秋隱十一年公及齊侯鄭伯入許注云許潁川許昌縣正義云漢世名許縣魏武作相改曰許昌括地志許故城在許州許昌縣南三十里本漢許縣故許

連筠簞叢書

國也水經注涓水云許昌縣故許男國也姜姓四岳之後
矣讀若許者史記鄭世家無公惡鄭於楚徐廣曰無音
許

𠄎

潁川縣從邑亢聲

苦浪切

潁川縣者後漢書黃瓊傳注引同又云漢潁川有周承休
侯國元始二年更名曰郟馥案物理論古有郟師之刀此
以地為姓

郟

潁川縣從邑厦聲

於建切

潁川縣者見漢志通作郟集韻郟地名在鄭春秋隱元年
鄭伯克段於郟杜注郟今潁川郟陵縣成十六年晉侯及
楚子鄭伯戰于郟陵杜注

郟

潁川郡從邑夾聲

工洽切

潁川縣者見漢志後漢書光武紀有五鳳皇
見於潁川之郊縣注云郟今汝州郟城縣也

𠄎

新郟汝南縣從邑妻聲

七稽切

新郟汝南縣者見漢志應劭曰秦伐魏取郟邱漢興為新
郟章帝封殷後更名宋顏注封於新郟號為宋國百戴同
曰按戰國策魏已有新郟馥案魏策大王南有舞陽新郟
是也史記魏世家秦拔我郟邱集解徐廣曰郟邱今為宋
公縣水經注潁水云細水逕宋縣故城北縣即所謂郟邱
者也秦伐魏取郟邱謂是邑矣漢成帝綏和元年詔封殷
後於沛以存三統平帝元始四年改曰宋公章帝建初四
年徙邑於此故號新郟為宋公國也漢書賈誼傳梁起於
新郟以北著之河顏注新郟潁川縣也馥案潁川當為潁
州續漢書郡國志汝南郡宋公國周名郟邱漢改為新郟
章帝建初四年徙宋公於此光武郭皇后紀后從兄竟以
騎都尉從征伐有功封為新郟侯注云新郟縣屬汝南郡
故城在今潁州汝陰
縣西北郟邱城是也

𠄎

姬姓之國在淮北從邑息聲今汝南新郟

相卽切

姬姓之國者通作息郡國志汝南郡有新息國隱十一年
左傳鄭息有違言息侯伐鄭杜云息國汝南新息縣正義

云世本息國姬姓此息侯伐鄭責其不親親知與鄭國同
 姬姓也莊十四年傳楚文王滅息其初則不知誰之子何
 時封也 今汝南新鄆者漢志汝南郡有新鄆縣孟秉曰
 故息國其後東徙故加新云馥素隱十一年左傳正義引
 作應劭語且辨之云若其後東徙當云故息何以反加新
 字乎蓋本自他處而徙此也定四年左傳左司馬成及息
 而還杜云息汝南新息也後漢書賈復傳南擊召陵新息
 注云新息縣名屬汝南郡故城在今豫州新息縣西南也

𡗗

汝南邵陵里者許冲表作召陵本書敘自彼徂召漢志作
 邵陵李陽冰以為許公所居之里案許公居萬歲里非此
 也

胡雞切

𡗗

汝南鮑陽亭從邑旁聲

步光切

𡗗

蔡邑也從邑昊聲春秋傳曰鄭陽封人之女奔之

古闌切

蔡邑也者杜注左傳鄭陽蔡邑 春秋傳曰鄭陽封人之
 女奔之者昭十九年左傳文二十三年傳楚太子建之母
 在鄭注云 鄭鄭陽也

𡗗

曼姓之國今屬南陽從邑登聲

徒亘切

曼姓之國者顏注急就篇鄧古國名本曼姓也春秋桓二
 年蔡侯鄭伯會于鄧杜云潁川召陵縣西南有鄧城正義
 賈服以鄧為國言蔡鄭會于鄧之國都釋例以此潁川郡
 城為蔡地其鄧國則義陽郡鄧縣也昭十三年傳盟于鄧杜
 云潁川召陵縣西南有鄧城土地名云鄧義陽鄧縣也馥
 案晉書地理志義陽郡鄧縣故鄧侯國桓九年左傳已子
 使韓服告于楚請與鄧為好桓十一年傳為公娶鄧曼注
 云曼鄧姓昭九年傳已僕楚鄧吾南土也鄭語申呂應鄧
 韋云鄧曼姓史記楚世家文王二年伐申過鄧正義故鄧
 城在襄州安養縣北二十里春秋之鄧國莊十六年楚文
 王滅之服虔曰鄧曼姓也史記屈原傳魏問之襲楚至鄧
 索隱鄧在漢水北故鄧侯城也 今屬南陽者漢志南陽
 郡鄧縣故國應劭曰鄧侯國翟方進傳傳送鄧獄顏注鄧
 亦南陽之縣潛夫論曼姓封於鄧後因氏焉南陽有鄧縣

五音集韻鄧戰國時地屬楚昭襄王取韓置南陽郡

鄧國地也從邑憂聲春秋傳曰鄧南鄙鄧人攻之於求

鄧國地也者郡國志南陽郡鄧有鄧聚注云左傳桓九年楚師圍鄧水經注涓水又南逕鄧塞東又逕鄧城東古鄧子國也蓋鄧之南鄙也昔巴子請楚于鄧為好鄧人奪其幣卽是邑也司馬彪以為鄧之鄧聚矣荆州記樊城西北有鄧城卽春秋所稱鄧子之國光武云宛最强鄧次之卽為此鄧城西北行十餘里鄧侯國為楚文王所滅今為鄧縣通典襄陽郡臨漢下云有鄧城卽鄧子國寰宇記襄州鄧城縣有古鄧城春秋傳曰鄧南鄙鄧人攻之者桓九年左傳文彼云鄧南鄙鄧人攻而奪之幣杜注鄧在今鄧縣南沔水之北

南陽涓陽鄉者字書鄂鄉在南陽廣韻鄂鄉名在涓陽

南陽棗陽鄉從邑巢聲

南陽棗陽鄉者後漢書宦者傳注引作棘陽漢志南陽郡有棘陽縣郡國志同

今南陽穰縣是從邑襄聲

今南陽穰縣是者漢志南陽郡穰縣顏注今鄧州穰縣是也徐鍇曰卽秦穰侯魏冉之所封假借穰字

南陽穰鄉從邑婁聲

南陽穰鄉者玉篇鄭南陽鄴縣鄉馥案史記婁敬當作鄭以地為姓

南陽西鄆亭從邑里聲

南陽舞陰亭從邑羽聲

南陽舞陰亭者徐鍇曰漢書藝文志有別榭陽亭賦榭假借

故楚都在南郡江陵北十里從邑呈聲

說文解字卷十九 連筠篠叢書

故楚都者僖十二年左傳自郢及我九百里杜云郢楚都襄十四年傳楚子囊將外遺言謂子庚必城郢吳語遂至於郢韋云郢楚都也秦策襲郢又云天下乃釋梁郢高注竝云郢楚都也楚詞九章發郢都而去閭兮荒忽其焉極齊策郢郢者楚之柱國也高云柱國都也越絕書郢者何楚王治處也史記楚世家文王熊賁立始都郢周本紀周絕於秦必入於郢矣正義郢楚都也漢書地理志文王徙郢司馬相如傳郢郢績紛李奇曰郢楚都也王觀國曰史記周成王封熊繹於荆蠻為楚子居丹陽楚文王自丹陽徙郢楚頃襄王自郢徙陳楚考烈王自陳徙壽春命曰郢觀國家前漢地理志曰江陵故楚郢都楚既屢徙至壽春則去郢遠矣地既非郢而猶命曰郢者名貴其所自出故也 在南郡江陵北十里者莊子天運篇南行者至於郢釋文郢楚都也在江陵北史記貨殖傳江陵故郢都正義荆州江陵縣故為郢楚之都漢書地理志南郡江陵縣故楚郢都楚文王自丹陽徙此後九世平王城之後十世秦拔我郢徙東古文苑楚相孫叔敖碑楚都南郢馥案衛公子郢字子南則古有南郢之名矣夢溪筆談今郢州本謂之北郢亦非古之楚都或曰楚都在今宜城界中有故墟尙在亦不然也此郢也非郢也據左傳楚成王使鬬宜申

為商公沿漢沂江將入郢王在渚宮下見之沿漢至於夏口然後沂江則郢當在江上不在漢上也又在渚宮下見之則渚宮蓋在郢也楚始都丹陽在今枝江文王遷郢昭王遷都皆在今江陵境中杜預注左傳云楚國今南郡江陵縣北紀南城也謝靈運鄴中集詩云南登宛郢城今江陵北十二里有紀南城即古之郢都也又謂之南郢寰宇記荆州江陵縣故郢城在縣東北一十二里漢志有郢縣云楚別邑杜預以為史所言郢者即州北紀南城是盛宏之荆州記云昭王十年吳通漳水灌紀南入赤湖進灌郢遂破楚則是先攻紀南而後破郢也

郢或省



南郡縣孝惠三年改名宜城從邑馬聲

於乾切

南郡縣孝惠三年改名宜城者漢志南郡宜城縣故郢惠帝三年更名司馬相如傳郢郢績紛李奇曰郢今宜城縣也後漢書光武紀幸宜城注云縣屬南郡楚之郢邑也故城在今襄州率道縣南吳任臣曰路史國名紀郢地有三楚之郢都襄陽之宜城也鄭伯克段于郢開封之郢陵也若穆叔如莒及郢陵則沂之安陵也

江夏縣從邑黽聲 莫杏切

江夏縣者見漢志史記蘇秦傳塞郢阨集解郢江夏郡縣正義申州羅山縣本漢郢縣申州有平清關蓋古旨縣之阨塞楚世家涉郢塞徐廣曰今江夏元和志申州鐘山縣本漢郢縣地屬江夏郡通作冥史記無忌說魏安僖王曰秦不敢攻冥阨之塞徐廣曰即郢縣也定四年左傳還塞大隧直轅冥阨高誘曰在楚墨子非攻篇吳闔閭次注林出冥隘之徑戰於柏舉 黽聲者蘇林音旨顏師古萌又音莫耿反

南陽陰鄉從邑葛聲 古達切

南陽陰鄉者漢志南陽有陰縣廣韻鄠鄉名在南陽通作葛書仲虺之誥自葛載

江夏縣從邑畢聲 五各切

江夏縣者見漢志廣韻鄠國名在武昌輿地記今鄂州武昌楚之東鄂也漢為江夏鄂縣孫權改為武昌水經注江水云江之右岸有鄂縣故城舊樊楚地世本稱熊渠封其中子紅為鄂王晉太康地記以為東鄂矣九州記曰鄂今

武昌也孫權以魏黃初元年自公安徙此改曰武昌縣縣徙治于袁山東又以其年立為江夏郡分建業之民千家以益之馥案南陽有西鄂縣叔虞所封故此稱東鄂

南陽縣從邑已聲 居擬切

南陽縣者當作南郡漢志南郡有郢縣玉篇南郡有郢縣廣韻郢縣名在南郡郡國志南郡郢侯國有犁邱城注云朱祐禽秦豐蘇嶺山案岑彭傳云南郡人秦豐據黎邱注引東觀記曰豐即縣人王欽傳封長子柱為郢侯注云郢縣屬南郡故城在今襄州史記索隱云郢縣屬南郡習鑿齒襄陽耆舊記襄陽有郢縣潛邱劄記古諺云郢無東以其東逼漢江界促近也 已聲者孟康音忌顏師古音其己反周成雜字解詁云郢音忌

江夏縣從邑朱聲 陟輸切

江夏縣者漢志江夏郡郢縣衡山王吳芮都史記楚世家陸終生子六人五曰曹姓集解云世本云曹姓者郢是也括地志故郢國在黃州黃岡縣東南百二十一里輿地廣記兗州鄒縣郢文公所遷邑楚滅之遷之江夏故江夏亦

有邾城今為黃州黃岡縣元和志黃州黃岡縣故邾城在縣東南一百二十里古邾國也後為楚所滅漢以為縣寰宇記復州景陵縣邾縣故城在縣東徐鍇本有一曰魯有小邾國七字錯曰案杜預曰魯國鄒縣也馥案本書鄒下云魯縣古邾國左氏春秋隱元年公及邾儀父盟于蔑莊五年邾犁來來朝杜云東海昌慮縣東北有邾城後為小邾

子邾

鄒

漢南之國從邑員瞽漢中有鄒關

羽文切

漢南之國者漢置江夏郡竟陵縣鄒鄉楚鄒公邑郡國志江夏郡竟陵侯國有鄒鄉桓十一年左傳鄒人軍於蒲騷注云鄒國在江夏雲杜縣東南有鄒城襄九年傳使皇鄒命校正出馬定四年傳楚王奔鄒鄒公辛之弟懷將弑王哀十二年傳衛侯會吳於鄒史記吳世家楚昭王出鄒奔鄒服虔曰鄒楚縣伍子胥傳王走鄒索隱鄒古之鄒國括地志安州安陸縣城本春秋時鄒國城也十道志安州安陸郡春秋鄒子之國後楚滅鄒鄒辛封為鄒公則其地也元和志安州春秋時鄒國後為楚所滅漢為安陸縣通鑑蕭衍曰使鄒城竟陵之粟方舟而下注云安陸春秋鄒

子之國故曰鄒城字或作邾宣四年左傳若敖娶於邾注云邾國名釋文邾本又作鄒通典安州春秋邾子之國雲夢之澤在焉後楚滅邾邾封邾辛為鄒公即其地也又通作員成七年左傳囚鄒公釋文本亦作員晉云邑名漢書人表員公辛顏注員讀曰鄒華陽國志漢中志員鄉縣本名長利縣縣有員關漢中有鄒關者漢志漢中郡長利縣有鄒關史記貨殖傳南陽西通武關鄒關徐廣曰按漢中亦作鄒字水經注河水云漢水東逕鄒鄉縣故城南謂之鄒鄉鄒縣故黎也即長利之鄒鄉矣地理志曰有鄒關李奇以為鄒子國晉太康五年立以為縣

鄒

南夷國從邑庸瞽

余封切

南夷國者趙宣光曰春秋楚人秦人巴人滅鄒石經從邑通行公車本但用庸左傳庸蜀羌髁史記楚世家熊渠乃與兵伐庸又云是歲滅庸正義房州竹邑縣今是也括地志房州竹山縣本漢上庸縣古之庸國昔周武王伐紂庸蠻在焉

鄒

蜀縣也從邑卑瞽

符支切

蜀縣也者漢志蜀郡有郫縣後漢書臧宮傳復攻拔繁郫
注云郫縣名屬蜀郡故城在今益州郫縣北寰宇記益州
郫縣古郫邑秦滅蜀因而縣之李膺記郫縣益州之勝邑
馥案杜甫詩有郫甫用以飲酒細竹長節郫地所生通作
稗本書斥讀若稗縣唐宋時貢稗布以
郫縣出絲也 卑聲者顏師古音疲

蜀

蜀江原地從邑蜀聲

市流切

蜀江原地者漢志蜀郡江原縣
鄒水首受江南至無陽入江

蜀

蜀地也從邑藉聲

秦昔切

蜀地也者字書藉鄉在臨邛廣韻昔部藉下云地
名在蜀又鐸部藉下云地名在蜀亦姓出蒼頡篇

蜀

蜀廣漢鄉也從邑蔓聲讀若蔓

無販切

蜀廣漢鄉也者蜀郡
無廣漢縣當是廣都

什

什邡廣漢縣從邑方聲

府良切

什邡廣漢縣者見漢志漢高帝封雍齒什邡侯廣韻什
邡縣在漢州史記功臣侯年表作汁邡如淳曰汁音什

邡

邡邡犍為縣從邑馬聲

莫駕切

邡邡犍為縣者見漢志本書無邡字玉篇邡邡縣在犍
為華陽國志南中志存邡縣雍閭反結壘於縣山繫馬柳
柱生成林今夷言無雍梁夷言馬也寰宇記戎州南溪縣
有唐歸順鎮後分邡邡縣就鎮置縣 馬聲者顏師古音
莫亞反

警

警犍為縣從邑敝聲讀若警雉之警

必枝切

警犍為縣者見漢志彼作牂柯玉篇牂柯郡有警縣警水所
出廣韻警水名在牂柯地地道記不狼山警水所出華陽國
志蜀志警故犍為地警有犍山見保乾圖蜀王本
紀有警令 讀若警雉之警者孟康曰警音警

邑

地名從邑包聲

布交切

地名者廣
韻卽邑名

西夷國從邑丹聲安定有朝那縣諾何切

安定有朝那縣者見漢志應劭曰朝那故戎郡邑也後漢書王常傳常別擊破魏囂將峻於朝那注云朝那縣屬安定郡也史記文帝紀匈奴謀入邊為寇攻朝那塞殺北地都尉印馥案北征賦弔尉印於朝那

鄱陽豫章縣從邑番聲薄波切

鄱陽豫章縣者見漢志括地志饒州鄱陽縣春秋時為楚東境秦為番縣屬九江郡漢為鄱陽縣也番聲者孟康

音 婆

長沙縣從邑需聲郎丁切

長沙縣者見漢志郡國志長沙郡鄴注云荆州記曰有鄴湖周迴三里取湖水為酒酒極甘美需聲者孟康音鈴

桂陽縣從邑林聲丑林切

桂陽縣者漢志桂陽郡郴縣項羽所立義帝都此史記項羽本紀項王使人徙義帝曰古之帝者地方千里必居上

游乃使使徙義帝長沙郴縣通典郴州下云項羽徙義帝於長沙都郴即此地也漢初以其地為桂陽郡縣有郴水

字書郴陽縣有 郴水下入郴

今桂陽郡陽縣者見漢志彼盧對切

今桂陽郡陽縣者見漢志彼作耒顏注在耒水之陽也

會稽縣從邑賈聲莫侯切

會稽縣者見漢志云餘姚本鄞縣之地輿地志邑人以其海中物產於山下貿易因名鄞縣元和志明州鄞縣本漢

舊縣屬會稽郡 賈聲者孟康音賈

會稽縣從邑董聲語斤切

會稽縣者見漢志郡國志鄞章安故治閩越地光武更名注云本鄞縣南之迴浦鄉章帝章和元年立又順帝紀注

云鄞故城在 鄞縣東南

沛郡從邑宋聲博蓋切

盛君百二曰沛當為沛郡從市

沛郡者漢志沛郡故秦泗水郡高帝更名史記高祖本紀高祖沛豐邑中陽里人集解李斐曰沛小沛也孟康曰後沛為郡索隱云按漢改泗水為沛郡治相城故注以沛為小沛也

宋下邑從邑丙聲兵永切

宋下邑者宋當為鄭春秋隱八年鄭伯使宛來歸邾公羊傳邾者何鄭湯沐之邑也左傳作祊杜注祊鄭祀泰山之邑在琅邪費縣東南馥案今費縣有祊水因邑名之隸釋漢樊毅脩西嶽廟碑自古太山邾邑猶存

沛國縣從邑盧聲昨何切

本書畿沛人言若盧盧當作鄜

沛國縣者漢志沛郡鄆縣莽曰贊治應劭音巉顏注此縣本為鄜應音是也中古以來借鄆字為之耳讀皆為鄜而

莽呼為贊治則此縣亦有贊音馥案沛郡後漢更名沛國許公據當時所稱也寰宇記鄆縣漢屬沛郡古今地名即鄆亭是姚察云南陽鄆音贊此沛鄆音巉錢君大昕曰今永城縣東有鄆陽集土人讀如嗟即何所封也徐鍇本有今鄆縣三字後人加之

地名從邑少聲書沼切

地名者玉篇邠魯地名

地名從邑臣聲植鄰切

宋地也從邑寘聲讀若讒土咸切

宋地也者惠棟曰哀十七年左傳宋皇瑗之子廩有友曰田丙而奪其兄鄆般邑以與之說文鄆宋地也疑般采邑讀若讒者昭三年左傳讒鼎之銘服虔云讒地名禹鑄九鼎於甘讒之地故曰讒鼎

宋魯閔地從邑晉聲即移切

宋魯閒地者春秋莊十一年公敗宋師于鄆范甯云鄆魯地杜注左傳同

𡗗

周文王子所封國從邑告馨

古到切

周文王子所封國者漢書人表鄆子文王子郡國志濟陰郡成武有鄆城桓二年左傳以鄆大鼎賂公杜云鄆國造器也故繫名於鄆濟陰城武縣東南有北部城正義云劉君以南鄆北部並宋邑別有鄆國以規杜氏

𡗗

衛地今濟陰鄆城從邑聖馨

吉掾切

衛地者春秋莊十四年單伯會齊侯鄭伯于鄆范甯云鄆衛地襄十四年左傳公如鄆杜云鄆衛地今濟陰鄆城

者漢志濟陰郡有鄆城魏以臨淄侯植為鄆城侯元和志濮州在漢為濟陰郡之鄆城也通雅鄆城古顛項之墟春

秋衛城公都此漢為濟陰鄆城縣今為山東濮州屬東昌府

𡗗

邛地在濟陰縣從邑工馨

渠容切

邛地在濟陰縣者集韻引作地名在濟陰韻會引亦無縣字

𡗗

祝融之後妘姓所封澮洧之間鄭滅之從邑會馨

古切

僖三十三年左傳斂而葬之鄆城之下服注鄆城古鄆國之

虛杜注鄆城故鄆國在熒陽密縣東北括地志故鄆城在鄭州新鄭縣東北三十二里竹書帝嚳十六年帝使重帥

師滅有鄆周書史記解昔有鄆君嗇儉滅爵損祿羣臣卑讓上下不臨後口小弱禁罰

不行重氏伐之鄆君以匹祝融之後妘姓所封者鄭語妘姓鄭路偃陽韋云陸終

弟四子曰求言為妘姓封於鄆鄆今新鄭也通作會史記楚世家陸終生子六人四曰會人索隱云系本云四曰求

言是為鄆人宋忠曰求言名也姬姓所出鄆國也漢書地理志子男之國號會為大顏注會讀曰鄆又通作檜詩譜

檜者古高辛氏火正祝融之墟澮洧之間者史記集解引虞翻曰檜國在禹貢豫州外方之北滎波之南居澮洧

之間水經注洧水云劉楨云鄆在豫州外方之北北鄰於號都滎之南左濟右洛居兩水之間倉溱洧焉王肅

曰周書王封祝融之後於濟洛河潁之間為鄆子

鄭邑也從邑元聲虞遠切

鄭地者宣三年左傳晉侯伐鄭及鄭注云鄭地十二年傳楚子北師次于鄭注云鄭地北地通作延隱元年傳大

鄭地從邑延聲以然切

鄭地者宣三年左傳晉侯伐鄭及鄭注云鄭地十二年傳楚子北師次于鄭注云鄭地北地通作延隱元年傳大

鄭地從邑延聲以然切

鄭地者宣三年左傳晉侯伐鄭及鄭注云鄭地十二年傳楚子北師次于鄭注云鄭地北地通作延隱元年傳大

鄭地從邑延聲以然切

之渠王渠切

玉篇鄭國今琅邪開陽縣廣韻鄭子國在琅邪其後以國為姓漢志東海郡開陽縣故鄭國郡國志琅邪國開陽

春秋昭十八年邾人入郟杜注郟國今琅邪開陽縣水經注沂水又南逕開陽縣故城東縣故郟國也春秋左傳昭公十八年邾人襲郟盡俘以歸郟子曰余無歸矣從孥於邾是也後更名開陽矣春秋哀公三年經書季孫斯叔孫州仇帥師城啟陽者是矣

姑姓之國者杜注左傳云郟姑姓國也正義郟為姑姓世本文也春秋傳曰郟人藉稻者昭十八年左傳文唐詩紀事李百藥七歲能屬文齊中書舍人陸又嘗過其父德林有說徐陵文者云藉琅邪之稻坐客竝不識其事百藥進曰傳稱郟人藉稻注云郟國在琅邪開陽縣人皆驚喜云此兒即神童讀若規渠之渠者左傳釋文郟許慎郭璞皆音矩

魯縣古邾國帝顓頊之後所封從邑芻聲側鳩切

鄒山記鄒山古之嶧山邾文公之所卜山下是鄒縣本是邾國魯穆公改鄒山從邑變故謂鄒山世本邾顏居邾肥徙邾馥案徙邾者後封為小邾子六書故春秋時邾莒用夷故邾謂之邾婁婁亦兩音力俱切者合邾婁之音為邾力溝

切者合邾婁之音為鄒也

魯縣者漢志魯國鄒縣故邾國曹姓二十九世為楚所滅
嶧山在北應劭曰邾文公卜遷于嶧者也 古邾國者元
和郡縣志鄒縣故邾國魯之附庸魯穆公改邾為鄒因鄒
山以為縣史記孟子列傳孟軻鄒人也索隱鄒魯地名又
云邾邾人徙鄒故也春秋宣十年公孫歸父帥師伐邾取
釋文十三年左傳邾文公卜遷于嶧杜注拉云釋邾邑魯
國鄒縣北有嶧山正義邾都本在鄒縣北有嶧山徙都於
彼山旁山旁當有舊邑故曰釋邾邑也史記吳世家為騶
伐魯索隱云左傳騶作邾杜預注左傳亦曰邾今魯國騶
縣是也騶邾聲相近自亂曰騶宜作邾 帝顓頊之後所
封者玉篇鄒魯縣也古扶風附庸國顓頊之後所封通典
邾國黃帝之後陸終之子曹姓所封今鄒縣也齊乘云通
志顓頊帝元孫陸終氏第五子晏安賜姓曹封于邾子孫
以邾為姓周武王封晏安之裔邾挾為附庸自挾至儀父
十二世始見春秋儀父附從齊桓定霸有功進爵稱子十
四世邾文公遷于嶧改稱鄒趙臺卿曰至孟子時改曰鄒
矣此說非也



邾下邑地從邑余聲魯東有邾城讀若塗

同都切

魯東有邾城者昭元年左傳周有徐奄服虔云魯公所伐
徐戎也馥案史記齊世家田常執簡公于徐州索隱云徐
字從人說文作邾並音舒 讀若塗者本書無塗字易困
卦來徐徐子夏傳作茶茶先鄭注考工記茶讀為舒舒徐
也詩荆舒是懲史記建
元以來侯表作荆茶



附庸國在東平亢父邾亭從邑寺聲春秋傳曰取邾

書之切

附庸國者公羊春秋取詩傳云詩者何邾婁之邑也孟子
天子之制地方千里公侯皆方百里伯七十里子男五十
里凡四等不能五十里不達於天子附於諸侯曰附庸
在東平亢父邾亭者六書故引作亢父縣有邾亭玉篇任
城亢父縣有邾亭通作詩漢志東平國亢父縣詩亭故詩
國 春秋傳曰取邾者襄十三年經文杜云邾小國也任
城亢父縣有邾亭左傳邾
亂分為三師救邾遂取之

邑

魯下邑孔子之鄉從邑取聲

側鳩切

魯下邑孔子之鄉者襄十七年左傳邾叔紇杜注叔梁紇檀弓孔子少孤不知其墓問於邾曼父之母或作邾論語孰謂邾人之子知禮乎孔安國曰邾孔子父叔梁紇所治邑也文十五年左傳邾人以告正義云治邑大夫例呼為人孔子父為邾邑大夫謂之邾人唐石經左傳邾人紇水經注引作邾通作邾史記孔子世家孔子生魯昌平鄉陬邑集解孔安國曰邾孔子父叔梁紇所治邑索隱邾是邑名昌平鄉號孔子居魯之陬邑昌平鄉之闕里也又通作鄒易是類謀不知聖人姓在鄒注云鄒孔子父叔梁紇所治邑也矣水經注魯國鄒山即嶧山邾文公所遷叔梁紇之邑孔子生此左傳釋文孟子名軻字子輿邾邑人

邑

魯孟氏邑從邑成聲

氏征切

魯孟氏邑者史記正義引同春秋桓三年公會紀侯于邾注云邾魯地襄十六年左傳齊侯圍邾杜云邾魯孟氏邑列子天瑞篇孔子遊於太山見榮啟期行乎邾之野注云邾魯邑名史記田敬仲完世家取魯之邾正義引括地志

邾

周公所誅邾國在魯從邑奄聲

依檢切

故邾城在兗州泗水縣西北五十里通作成漢志泰山有式縣式當為成春秋桓六年公會紀侯于成杜云成魯地在泰山鉅平縣東南昭二十六年經公圍成杜云孟氏邑昭七年左傳晉人來治杞田季孫將以成與之謝息為孟孫守不可注云成孟氏邑本杞田定十二年傳仲由為季氏宰將墮三都公斂處父謂孟孫墮成齊人必至于北門且成孟氏之保障也無成是無孟氏也杜注成在魯北境哀十四年傳孟孺子洩將圍馬於成注云成孟氏邑

周公所誅邾國在魯者玉篇邾周公所誅叛國商奄是也書多方王來自奄鄭注奄國在淮夷之旁周公居攝之時亦叛王與周公征之三年滅之尙書大傳奄君謂祿父曰武王既歿矣今王尚幼矣周公見疑矣此百世之時也請舉事又云周公攝政三年踐奄通鑑外紀奄君謂武庚祿父曰此百世之時也請舉事祿父從之率奄淮夷叛周公奉王命興師東伐詩破斧周公東征四國是皇傳云四國管蔡商奄也孟子周公相成王誅紂伐奄昭元年左傳周有徐奄注云二國皆嬴姓昭四年傳成有岐陽之蒐注云周成王歸自奄大蒐于岐山之陽昭九年傳蒲姑商奄吾

東土也正義商奄魯也定四年傳因商奄之民命以伯禽而封於少皞之虛杜云商奄國名也與四國流言或進散在魯皆令卽屬魯懷柔之書序成王東伐淮夷遂踐奄鄭注奄國在淮夷之北

魯下邑從邑翟馨春秋傳曰齊人來歸鄆呼官切

魯下邑者玉篇鄆魯下邑濟北蛇邱縣也通作謹春秋桓三年齊侯送姜氏于謹杜云謹魯地濟北蛇邱縣西有下謹亭春秋傳曰齊人來歸鄆者定十年左傳文被云齊人來歸鄆謹龜陰之田

魯亭也從邑良馨魯當切

魯亭也者漢因魯邑為亭也隱元年左傳費伯帥師城郎注云郎魯邑高平方與縣東南有郎亭春秋隱九年夏城郎注云郎魯邑桓十年齊侯衛侯鄭伯來戰于郎公羊云郎者何吾近邑也莊三年公次于郎莊三十一年築臺于郎檀弓戰于郎注云郎魯近邑也

奚仲之後湯左相仲虺所封國在魯薛縣從邑丕馨

敷悲切

奚仲之後云云者顏注急就篇有奚仲者為夏車正受封於薛後遷于邳而仲虺居薛為湯左相其後稱為薛侯及為楚所并餘族因號薛氏漢志魯國薛縣夏車正奚仲所封國後遷于邳湯相仲虺居之風俗通奚仲為夏車正自薛封邳竹書外任元年邳人姚人叛河亶甲三年彭伯克邳昭元年左傳商有姚邳注云二國商諸侯邳今下邳縣定元年傳薛之皇祖奚仲居薛以為夏車正奚仲遷于邳仲虺居薛以為湯左相杜云邳下邳縣仲虺奚仲之後方言徐土邳圻之間注云今下邳也寰宇記下邳縣本夏時邳國後屬薛春秋云薛之祖奚仲遷于邳史記高祖紀彭越渡睢水戰于下邳馥案有上邳故曰下漢書諸侯王表有上邳侯邳客風俗通奚仲為夏車正自薛封邳其後為氏案史記晉世家有邳鄭

紀邑也從邑章馨諸良切

紀邑也者春秋莊三十年齊人降鄆公羊云鄆者何紀之遺邑也穀梁同

國也今屬臨淮從邑干馨一曰邗本屬吳胡安切

今屬臨淮者胡渭曰邗溝亦曰渠水漢志江都縣有渠水首受江北至射陽入湖是也又名中瀆水水經注中瀆水首受江於江都縣縣城臨江昔吳將伐齊北霸中國自廣陵城東南築邗城城下掘深溝謂之韓江亦曰邗溟溝自廣陵出山陽白馬湖逕山陽城西又東謂之山陽浦又東入淮謂之山陽口是也山陽本漢射陽縣屬臨淮郡晉義熙中改曰山陽縣射陽湖在縣東南八十里縣西有山陽瀆即古邗溝其縣北五里之北神堰即古末口也一曰邗本屬吳者哀九年左傳吳城邗溝通江淮杜云今廣陵邗江是吳越春秋吳將伐齊自廣陵闕江通淮蕪城賦拖以漕渠李善云漕渠邗溝也左氏傳曰吳城邗溝通江淮杜預曰通糧道寰宇記揚州江都縣蕪城即州城古為邗溝城也董斯張曰邗在揚州吳夫差闕溝處杜預左傳注云邗溝廣陵韓江是閻若璩曰邗吳地也於其地築城號邗城城下掘深溝引江水東北通射陽湖其城應在大江濱今儀真縣南有上江口下江口舊江口或者舊江口為吳夫差所穿故班志廣陵江都縣有渠水首受江是也第代遠城堙無復餘址樂史云江都縣城臨江今圯於水江

都既爾邗城可知近志竟實以蜀岡上遺跡豈其然

臨淮徐地從邑義馨春秋傳曰徐鄰楚魚羈切

臨淮徐地者漢志臨淮郡徐縣故國盈姓至春秋時徐子章禹為吳所滅春秋傳曰徐鄰楚者昭六年左傳文彼作儀徐錯曰杜預但言徐大夫名儀楚不言鄰是地名據許慎所言則以楚是大夫之名鄰是所食之邑若晉卻克魯叔孫之比然則當後漢之時春秋儀楚當作此鄰字但杜預在許慎後故詳畧不同也

東平無鹽鄉從邑后馨胡口切

東平無鹽鄉者徐錯本有是字漢志東平國無鹽縣有鄉鄉昭二十五年左傳逸奔郕注云郕在東平無鹽縣東南春秋定十年叔孫州仇仲孫何忌帥師圍郕何休云郕叔孫氏所食邑水經注汶水云汶水自桃鄉四分當其派別之處謂之四汶口其左二水雙流西南至無鹽縣之郕鄉城南郕昭伯之故邑也禍起鬪雞矣春秋左傳定公十二年叔孫氏墮郕今其城無南面又云次一汶西逕郕亭北馥案無鹽縣葦曰有鹽亭其後以郕鄉為郕亭通典鄆州

須昌縣下云有邱鄉亭左傳云季胤之雞鬪卽此通作厚漢書人表厚昭伯顏注卽邱昭伯也

炎

東海縣帝少昊之後所封從邑炎聲

徒甘切

東海縣者漢志東海郡郟縣故國少昊後盈姓律歷志郟子來朝顏注郟國名郟國卽東海郟縣是也後漢書光武紀進幸郟注云縣名屬東海郡故城在今泗州下邳縣東北晉書地理志東海郡郟縣故郟子國水經注沂水云郟故國也少昊之後春秋昭公十七年郟子朝魯云云竹書紀年晉烈公四年越子末句滅郟以郟子鵠歸縣故舊魯也東海郡治 帝少昊之後所封者家語致思篇孔子之郟注云郟國名也少昊之後左傳仲尼學官於郟子王肅云郟少皞之後史記越世家願齊之試兵南陽莒地以聚常郟之境索隱云郟故郟國 炎聲者應劭音談

吾

東海縣故紀侯之邑也從邑吾聲

五乎切

杜注左傳郟在朱虛縣東南 玉篇郟朱虛縣東南魯下邑也 廣韻郟鄉名在東莞醴案朱虛晉屬東莞 東海縣者漢志東海郡郟縣侯國醴謂本書當云郟鄉東海縣本書於單字縣名則曰某郡縣兩字縣名則全舉

其名而繫以郡如什邡郟之例哀帝紀立魯頃王子郟鄉侯閔爲王蘇林曰郟縣名也屬東海 故紀侯之邑也 者春秋莊元年齊師遷紀郟郟郟寰宇記安邱縣郟城在今縣西南六十里卽春秋遷紀郟郟郟是也

東

東海之邑從邑嵩聲

戶圭切

東海之邑者當爲北海史記田敬仲完世家自安平以東至琅邪集解云安平在北海正義云括地志云安平城在青州臨淄縣東十九里古紀國之鄰邑青州卽北海郡也 玉篇鄰紀邑在安平縣郡志北海國東安平有鄰亭春秋莊三年紀季以鄰入于齊穀梁云鄰紀之邑也杜注左傳云鄰紀邑在齊國東安平縣莊十二年紀叔姬歸于鄰 范甯云鄰紀邑也僖二十六年公追齊師至鄰陳岳春秋折衷云鄰齊地

曾

姒姓國在東海從邑曾聲

疾陵切

春秋僖十四年季姬及鄆子遇于防哀七年公會吳于鄆襄四年左傳公請屬鄆杜注並云鄆今琅邪鄆縣醴案鄆在晉屬琅邪 元和志沂州承縣春秋時鄆國也 寰宇記沂州承縣本舊縣春秋時鄆國也故鄆城在縣東八十里 通作

繪括地志繪縣在沂州承縣魏策繪恃齊而輕越齊和子亂而越人凶繪

如姓國者徐錯本作姬姓國錯曰案杜預繪姬姓與說文同或寫作如誤馥案僖三十一年左傳衛遷于帝邱衛成

公夢康叔曰相奪于享公命祀相甯武子不可曰鬼神非其族類不歆其祀祀鄩何事相之不享於此久矣杜注言

祀鄩夏後自當祀相相夏后啟之孫據此則杜不以鄩為姬姓也史記周本紀申侯怒與繪西夷犬戎攻幽王索隱

繪國名夏同姓正義國語云繪姓夏禹後括地志云繪縣古侯國禹後在東海者漢志東海郡繪縣故國禹後

𡗗

琅邪郡從邑身聲切以遮

琅邪郡者九經字樣郎邪郡名郎良也邪道也以地居鄩魯人有善道故為郡名今經典相承郎字玉旁作琅邪字

或作耶者譌馥案伏韜齊地記郎邪城東南十里有郎山即古琅邪臺也秦始皇至郎邪大樂之雷三月郎邪臺赤

狐山也杜注左傳邾國今琅邪開陽縣釋文琅本或作郎漢書游於巖郎之上晉灼曰即堂邊廡周禮注作琅云鐸

聲不過琅馥謂此郎邪假借之證也漢志琅邪郡秦置置史記秦始皇本紀南登郎邪正義云今兗州東沂州密州即

古琅邪也齊悼惠世家高后割齊琅邪郡立營陵侯劉澤為琅邪王正義云今沂州也十道志沂州琅邪郡置在臨

沂縣禹貢徐州之域也春秋時齊地秦置琅邪郡郡國縣道記琅邪臺在故城東南十里州東南一百七十里臺上

有始皇碑後漢郡國志琅邪國琅邪注云山海經云有琅邪臺在勃海閒琅邪之東郭璞曰琅邪臨海邊有山礁嶠

特起狀如高臺此即琅邪臺齊景公曰吾循海而南放乎琅邪越絕曰句踐徙琅邪起觀臺臺周七里以望東海史

記曰秦始皇徒黔首三萬戶琅邪臺下元和志秦并天下置琅邪郡因琅邪山以為名也又去諸城縣琅邪山在縣

東南百四十里九域志密州諸城縣有琅邪山寰宇記諸城縣秦琅邪故城在今縣東南一百六十里古城是也

𡗗

琅邪縣一名純德從邑夫聲切前無

琅邪縣者見漢志一名純德者恭曰純德本書不引恭地名蓋後人加之

𡗗

齊地也從邑黍聲親吉切

齊地也者通作漆春秋襄二十一年邾庶其以漆闚邱來奔

齊之郭氏虛善善不能進惡惡不能退是以亾國也

從邑高聲古博切

齊之郭氏虛者徐鍇曰郭氏當是靖國之後平寰宇記博州聊城縣郭城隋圖經云郭城即亾國郭氏之墟馥案春秋莊二十四年赤歸于曹郭公公羊穀梁皆言郭公失國而歸于曹杜預謂經闕誤二家之說不了易林牛驥同堂郭氏以亾國破為墟主君奔走又去鶴盜我珠逃於東都鵠怒追求郭氏之墟虛謂故國之虛哀十七年左傳登此昆吾之虛昭十七年傳宋大辰之虛陳大皞之虛鄭祝融之虛衛顛頊之虛僖二十八年傳晉侯登有莘之虛定四年傳伯禽封於少皞之虛康叔封於殷虛唐叔封於夏虛昭十二年傳八索九邱賈逵曰九邱亾國之戒杜注昭四年傳云魯城內有大庭氏之虛僖三十一年經衛遷於帝邱注云故帝顛頊之虛故曰帝邱爾雅釋天顛頊之虛竹書盤庚自奄遷朝歌遂曰殷墟檀弓墟墓之閒注云墟毀滅無後之地史記成王以殷餘民封康叔為衛君居故商墟魯世家武王既克殷封周公於少皞之墟新序孔子對哀公曰君出魯之四門以望魯之四郊亾國之墟列必有

數矣漢志東郡濮陽縣故帝邱顛頊虛風俗通姚墟在濟陰城陽縣帝顛頊之墟闕伯之墟揚雄解嘲昔三仁去而殷墟善善不能進惡惡不能退是以亾國也者顏注急就篇齊地有郭氏之虛蓋古國國滅之後遂為郭姓齊有郭榮此其族也新序昔者齊桓公出游於野見亾國故城郭氏之墟問於野人曰是為何墟野人曰是為郭氏之墟桓公曰郭氏者何為墟野人曰郭氏者善善而惡惡桓公曰善善而惡惡人之善行也其所以為墟者何也野人曰善善而不能行惡惡而不能去是以為墟也風俗通云傳曰郭氏之墟墟者虛也郭氏古之諸侯善善不能用惡惡不能去故善人怨焉惡人存焉是以敗為邱墟也新唐書王珪傳臣聞齊桓公之郭問父老曰郭何故亾曰以其善善而惡惡也公曰若子之言乃賢君也何至於亾父老曰不然郭君善善不能用惡惡不能去所以亾

齊地從邑見聲春秋傳曰齊高厚定郕田五雞切

春秋莊五年郕犁來朝左傳云名未王命也杜云附庸國也未受爵命為諸侯傳發附庸稱名例也其後數從齊桓以尊周室王命以為小邾子正義郕之上世出於邾國世本云邾顏居邾肥徒郕宋仲子注云邾顏別封小子肥於郕為小

邾子則顏是邾君肥始封邾譜云小邾邾俠之後也夷父顏
有功於周其子友別封為附庸居邾曾孫犁來始見春秋附
從齊桓以尊周室命為小邾子穆公之孫惠公以下春秋後
六世而楚滅之世本言肥杜譜言友當是一人僖七年經書
小邾子來朝知齊桓請王命命之莊十五年左傳諸
侯為宋伐邾杜注邾附庸屬宋而叛故齊桓為之伐邾
齊地者廣韻邾城在東海玉篇東海昌慮縣有邾城杜注
左傳東海昌慮縣東北有邾城春秋傳曰齊高厚定邾
田者襄六年左傳文彼云遷萊于邾高厚崔杼定其田正
義云邾即小邾也二年傳曰滕薛小邾之不至皆齊故也
小邾附屬于齊故滅萊國而遷其
君於小邾使之寄居以終身焉



郭海地從邑字聲一曰地之起者曰郭

蒲沒切

郭海地者漢志有郭海郡武帝紀作敦揚雄傳作勃淮南
書亦作勃高誘曰勃大也南山經丹水南流注于渤海郭
注渤海海岸曲崎頭也本書解下云勃解海之別名勃亦
當作郭 一曰地之起者曰郭者徐鍇曰周禮土有勃壤
借勃字也



國也齊桓公之所滅從邑聲

徒含切

玉篇鄆在濟南平陵縣南通作譚急就篇譚平定寰宇記歷
城縣譚城在縣東南一十五里說苑桓公曰昔者吾圍譚三
年漢書人表譚大夫新序吳有士曰譚夫吾廣韻漢有
河南尹譚閔風俗通孟嘗君逐於齊見反譚子迎於檣
國也者郡國志東平陵有譚城故譚國通典齊州全節縣
春秋時譚國城在縣西南齊桓公之所滅者譚注急就
篇譚小國也為齊所滅春秋莊十年齊師滅譚注譚國
在濟南平陵縣西南左傳齊侯之出也過譚譚不禮焉及
其入也諸侯皆賀譚又不至冬齊師滅譚譚子奔莒詩大
東序云譚大夫作是詩箋云魯莊公十年齊師滅譚水經
注濟水云武原水出譚城南平澤中世謂之武原淵齊桓
之出過譚譚不禮焉魯莊公九年即位又不朝十年滅之
漢文帝十六年置為王國景帝二年為郡王莽更名樂安
元和志齊州全節縣本春秋譚國之地齊滅之漢以為東
平陵縣屬濟南郡齊乘東平陵城在濟南東七十五里春
秋鄆國齊桓滅之古城在西南龍山鎮相對漢為東平陵
縣

𡗗

地名從邑句聲其俱切

𡗘

陳畱鄉從邑亥聲古哀切

𡗙

故國在陳畱從邑我聲作代切

故國在陳畱者字林同郡國志陳畱郡考城故菑陳畱志曰古戴國地名春秋隱十年宋人衛人伐戴杜云戴國今陳畱外黃縣東南有戴城正義云地理志云梁國菑縣故戴國應劭曰章帝改曰考城古者菑戴聲相近故鄭元詩箋讀俶戴為熾菑是其音大同故漢於戴國立菑縣於晉屬陳畱

𡗚

地名從邑燕聲鳥前切

襄二十九年左傳齊人立敬仲之曾孫蕒當取此地為名

𡗛

地名從邑丘聲去鳩切

𡗜

地名從邑如聲人諸切

𡗝

地名從邑丑聲女九切

𡗞

地名從邑几聲居履切

𡗟

地名從邑翁聲希立切

𡗠

地名從邑求聲丘鳩切

地名者玉篇郝鄉在陳畱

𡗡

地名從邑嬰聲於郢切

𡗢

地名從邑尙聲多朗切

論語闕黨當作此郕廣韻郕居也一曰五百家為郕漢書食貨志五族為黨五黨為州

𡗣

地名從邑并聲薄經切

地名者玉篇邢地名在東莞臨胸縣東南郡國志齊國臨胸古邢邑注云應劭曰伯氏邑也春秋莊元年齊師遷紀

地名者玉篇
鄆魯地名
地名從邑火聲 呼果切

地名者通作鄆漢袁良碑僭脩
城之鄆類篇鄆說文作鄆地名
地名從邑麥聲 盧鳥切

地名者玉篇鄆地名春秋
日會于鄆杜預云鄭地
地名從邑屯聲 此尊切

地名從邑舍聲 式車切

地名者玉篇春秋曰徐人
取郟杜預曰今廬江郟縣
地名從邑益聲 胡蠟切

地名者廣韻
鄆或作鄆
地名從邑乾聲 古寒切

地名從邑齋聲 讀若淫 力荏切

地名從邑山聲 所聞切

地名從邑臺聲 臺古堂字 徒郎切

地名者玉篇臺下引
續漢書廣陵鄆邑也
姬姓之國從邑馮聲 房戎切

姬姓之國者通作馮廣韻馮姓畢公高之
後會采於馮城因而命氏出杜陵及長樂

𡗗

汝南安陽鄉從邑蔽省聲

苦怪切

汝南安陽鄉者昭二十三年左傳攻剡剡潰注云河南縣

剡鄉是也

蔽省聲者當為𡗗省聲玉篇廣韻並有𡗗字

𡗗

汝南上蔡亭從邑甫聲

方矩切

汝南上蔡亭者廣韻邠亭名在汝南又云在下蔡

𡗗

南陽縣從邑麗聲

郎擊切

南陽縣者見漢志高帝紀儲攻析酈皆降顏注酈即菊潭

縣地理志屬南陽馥案荊州記酈縣北有菊溪源出縣西北五十里石澗山東南流兩岸多甘菊馥謂菊溪即菊潭麗聲者如淳音躑躅之躑

𡗗

地名從邑譽聲

七然切

地名者董道廣川書跋引字林酈畿內地名

𡗗

從反邑𡗗字從此闕

文一百八十一 重六

𡗗

鄰道也從邑從𡗗凡𡗗之屬皆從𡗗闕

胡絳切

治之從𡗗自聲

許良切

釋名萬二千五百家為鄉鄉向也眾所向也周禮大司徒五州為鄉注云鄉萬二千五百家鄉大夫各掌其鄉之政教禁令注云鄭司農云萬二千五百家為鄉管子小匡篇制五家為軌軌有長十軌為里里有司四里為連連有長十連為鄉鄉有良人漢書會貨志五家為鄰五鄰為里四里為族五族為黨五黨為州五州為鄉鄉萬二千五百戶也鄰長位下士自此以上稍登一級至鄉而為鄉也

國離邑民所封鄉也嗇夫別治者黃恭交廣記秦兼天下改附庸為鄉鄉則有族今嗇夫是也鄉之言境言其在人

說文解字 卷十九

連筠 籀叢書

色

連筠 籀叢書

境城內非天王所置故言鄉漢書百官表大率十里一亭
 亭有長十亭一鄉鄉有三老有秩畜夫游徼三老掌教化
 畜夫職聽訟收賦稅游徼循禁賊盜封圻之內六鄉
 六鄉治之者周禮大司徒辨其邦國都鄙之數制其畿疆
 而溝封之小司徒乃頒比灋于六鄉之大夫疏云六鄉大
 夫皆六命卿為之又鄭注序官云司徒掌六鄉又云司勳
 職曰掌六鄉之賞地六鄉地在遠郊之內則居四同鄭司
 農云百里內為六鄉外為六遂又注司常云師都六鄉六
 遂大夫也



里中道從巽從其皆在邑中所共也

胡絳切

里中道者廣雅衢道也三蒼衛里中別道也易睽九二遇
 主於巷象曰遇主於巷未失道也詩巷無居人傳云巷里
 塗也又丰俟我乎巷兮傳云巷門外也正義云巷是門外
 之道與里塗一也楚辭五子用失乎家衛李善注引法言
 一巷之市今法言作闕



篆文從巽省

文三 重一

